

欽定石渠寶笈續編

欽定石渠寶笈續編

第二十九

重華宮藏 六

列朝名人書畫 二

宋人大禹治水圖 一卷

**本幅**絹本。縱一尺橫一丈三尺一寸。設色畫。

禹治水事。無名款。有宋徽宗押鈐印一御書。

**鑒藏寶璽** 八璽

**收傳印記**政和印 半紹興印 半尚書吏部印 半臣孟

宋院本金陵圖一卷

本幅絹本。縱八寸。橫三丈五寸。設色畫山川  
城市樓閣村居旅販執作人物數百。輪輿馬  
牛。擔負相雜。無名款。

引首

御題行書。

王氣埋金秀且雄。六朝文物擅江東。試看負販  
興僮輩。都有謝顏徐庾風。筆妙得神已去形。

高樓斜矗酒旗青。桂枝香詠臨

川。好景西園。

唱後庭。

佳麗東南信。莫傳勝朝。猶自建都。

趙家歌館。寧相讓。別有輕烟翠柳樓。

瓊窓綺

榭。簇勾欄。密意酣情。各締歡。官妓遺風。自唐宋。

政成何體。污衣冠。

幾經富庶。幾離亂。富庶歡

娛離亂愁。祇有秦淮一片月。溶溶無意照千秋。

畫品穠纖出內家。九衢萬戶門豪奢。秣陵五

國天淵隔。一例東京錄夢華。

乙酉春閏月。御

題鈴寶二乾隆

鑒藏寶璽

八璽

古希天子烟雲舒卷中有同春含

虛朗鑒

宋人畫司馬光獨樂園圖 一卷

本幅素綾本。縱一尺八分。橫三尺二寸。水墨。

界畫獨樂園景。無名款。

引首獨樂園圖。八分。無名款。

後幅前人題跋。

溫公判西京留司御史臺。遂居洛。買園於尊賢坊。以獨樂名之。始與伯溫先君子康節先生游。嘗曰。某陝人。先生衛人。今同居洛。鄉人也有如先生道學之尊。當以年德為貴。官職不足道也。公嘗問康節曰。某何如人。康節曰。君實脚踏實地人也。公深為知言。康節又曰。

君實九分人也。其重之如此。雖卿大夫遣官嘉祐中。以遺逸命官。辭之。不從。河南尹遣官送告勅。朝章。康節服以謝。即褐衣如初。熙寧初。再命官。再服以謝。且曰。吾不復仕矣。始為隱者之服。烏帽。緇褐。見卿相。不易也。司馬溫公依禮記作深衣。冠簪幅巾。紳帶。每出朝服。乘馬。用皮匣貯深衣。隨其後入。獨樂園則衣之。嘗謂康節曰。先生可衣此乎。康節曰。雍為今人。當服今時衣。溫公歎其言合理。熙寧中。洛陽以清德為朝廷尊禮者。大臣曰。富韓公。侍從曰。司馬溫公。呂申公。士大夫位卿監以清德早退者。十餘人。好學樂善有行義者。幾二十人。康節隱居謝聘。皆相從。志厚之風聞於天下。里中後生。皆知畏廉恥。欲行一事。必曰。無為不善。恐司馬端明邵先生知。洛陽朱敦儒序司馬氏顯崇集云。西都陶化坊。

之東南窮巷靜深。有園曰獨樂。公著書游息之地。不滿五畝。亭堂三四。小且庳。臺一。俚有半洛僅袤丈。結竹曰菴。種藥曰圃。無佳花怪石。殊異之觀。視諸家園。亭為甚儉。洛陽人好將。初春車馬爭馳。驚必以獨樂為先。始至門則皆以手加額。誦公之惠。游竟而出門。則又咨嗟歎息。惟公之思。嗚呼。獨樂園者。台南之甘棠歟。溫公治第洛中。開園曰獨樂。其心憂樂未始不在天下。自記云。有人肯同此樂。必再拜以獻之矣。坡公詩云。兒童誦君實。走卒知司馬。蓋名得人心也。又云。撫掌笑先生。年來政瘠瘵。疑未盡命名之意。此詩洪野處筆錄有。詩云。喬木參天獨樂園。至今仍是溫公宅。文清曾公遊獨樂。寓居故園。留詠獨樂園。林安在哉。當時為洛。復為臺。青山流水。自春草。翠竹。野花。餘奴灰。不是當家冑。次



有何由舊觀眼中回標題莫作新名字更以  
清雍正像來獨樂園子呂直者性愚鯁故  
公以直名之有草屋兩間在園門側然獨樂  
園在洛中諸園最為簡素人以公之故春時  
必游洛中例者園子所得茶湯錢閉園日與  
主人平分之一日園子呂直得錢十斤省來  
納公問其故以衆例對曰此自汝錢可持去  
再三欲留公怒遂持去回顧曰只端明不愛  
錢者後十許日公見園中新創一井亭問之  
乃前日不受十千所創也公頗多之事載劉  
元城先生語錄而之記  
藝觀鄭公五世孫也  
國文正五世孫哲家藏獨樂園圖蓋其先於  
睹記之真得之亦今甘棠也吁世之遺芳餘  
烈一再傳而弗念者多矣君儒雅好修有古  
君子操豈襲其圖而已哉其圖存則其人存

寶祐丁巳夏五泰初敬書鈴印二履卿玉山

鑒藏寶璽

八璽

收傳印記橋李李氏鶴夢軒珍藏記李珂雪

珍藏圭印半袁氏印半退密印半天籟閣墨林山

人宮保世家項叔子墨林秘玩子孫世昌項

子京家珍藏退密又半印一不可辨

謹按董其昌畫旨云宋人有溫公獨樂園圖  
仇寶父曹摹本

宋人江山寫勝 一卷

本幅絹本。縱一尺。橫一大九尺四寸四分。水  
墨畫大江兩岸諸山。雲濤烟樹。帆檣往來無  
名款。

鑒藏寶璽 八璽

宋人春江漁隱圖 一卷

本幅蠟牋本縱八寸七分橫二尺九寸四分  
水墨畫遠山蘆洲兩舫相連作取魚狀題春  
江漁隱無名款

御題行書

連舫春江漾綠漪不希王佐隱漁師舉罾發發  
銀刀活正是輕條出水時 丙戌春御題鈐寶  
一得佳趣

後幅前人題跋

一篙新綠深春江。日日牽舟艤子雙。不是老夫筋力健。漁家安得酒盈缸。趙俞鈴印一用

晦

江頭風急暮潮生。兩箇漁舟架一簑。非是不

知波浪惡。得魚入市博香粳。會稽張九功鈴

印一九功

春江綠。春江兮。瀾瀾蒲葦。今荏葦。魚在罾兮

顧尾。道之不行矣。肉食者鄙。有錄與。今孰

與我理。匡廬子立鈴印一。會稽外史

哦頭新浪三尺增。漁翁兩船。琴一罾。大魚跳

波潑刺去。只隔蘆花。呼不應。玉山顧璣鈴印

三。陶寫性情。顧仲瑛氏。玉山草堂

冒枕雙舟。駐露機。荻蘆洲處。雨濛濛。得魚好

趁。然風去。莫待寒江落晚潮。鹿山呂敬

我家曲江上日日看潮生時有打魚者傷寒  
朝入城烹之流釜蒸可以飯蔬羹傷今不如  
昔漁父亦從征回首浮山下鰲人啼月明濤  
江漁者錢惟善鈴印二主一道人江月松風

鑒藏寶璽

八璽全

收傳印記寄傲子京父印項叔子項墨林父  
秘笈之印橋李項氏士家寶玩項元汴印神  
遊心賞項墨林鑒賞章墨林平生真賞橋李  
項子京家珍藏子孫世昌若水半印子京半印  
信公鑒定珍藏耿昭忠信公氏一字在良別

號長白山長收藏書畫印記

謹按于立字彥威南康人見玉山草堂雅集

宋人秋山圖

一軸

本幅絹本縱五尺四寸三分橫一尺九寸六分  
水墨畫峭壁瀑流雜樹叢密虛堂籬檻紫  
門前引雛嬉戲林外策騎虛舟無名款

御題行書

秋山合沓草堂閒秋宇霜高秋樹殷元四大家  
此津逮晉七賢者其往還劇憐慘淡經營處更  
逢峭靑蔥間擬携新稿憑書按字句從頭自



檢刪 乾隆辛未御題鈴寶二取並在廣求乾隆宸翰

題籤

御筆 宋人秋山圖 品熊鈴寶二御賞 乾隆宸翰

鑒藏寶璽

八璽全

古希天子五福五代堂寶壽八徵

耄念之寶

牧傳印記 退密子京墨林子子孫永保若水

軒子京所藏神游心賞項元汴印子京父印

子孫世昌項子京家珍藏爵形圓印墨林秘  
玩平生真賞棠村審定蕉林

宋人畫南唐耿先生煉雪圖 一軸

本幅絹本。縱三尺三寸四分。橫一尺八寸一分。水墨界畫樓閣宮殿。元宗正坐。宮娥環侍。耿先生安爐煉雪。又別舍懸帳。女冠中坐。旁列女侍四。無名款。

鑒藏寶璽 八重

牧傳印記 蔣貽之印

宋人隼擊圖一軸

本幅絹本縱四尺八寸二分橫三尺一寸六分設色畫秋樹雜花文禽數隊一蒼鷹凌空欲下無名款

御題行書

拳爪斂翼欲下擊衆禽喪魄各藏匿垂羽不擇音駭息是謂畫神得妙的審諤正士闢邪慝勇將斫陣逐羣敵乃可方斯餘莫匹 乙未仲秋

月上澣御題鈐寶二乾隆

鑒藏寶璽

八金璽

古希天子壽

宋人漁樂圖 一軸

本幅絹本。縱三尺九寸，橫一尺九寸五分。水墨畫霜葉風蘆，岸側漁舟方艤，楫對浦漁舫。三兩無名款。

鑒藏寶璽

八里全

牧傳印記 玉川

宋人畫秋渚文禽 一軸

本幅絹本縱一尺四寸五分橫一尺三寸五分  
淺設色畫老樹秋塘雙禽立泳無名款

鑒藏寶璽 全八璽

牧傳印記子孫世保

王庭筠畫幽竹枯槎 一卷

本幅宋紙本。縱一尺二寸。橫七尺。水墨畫枯樹。絡以藤蘿。旁倚瘦竹。末自識黃華山真隱一行涉世。便覺俗狀可憎。時拈秃筆作幽竹枯槎。以自料理耳。

後幅前人題跋

石黃華先生幽竹枯槎圖。並自題真蹟。竊嘗謂古之善書者。必善畫。蓋書畫同一闢捩。未有能此而不能彼者也。然鮮能並行於世者。為其所長掩之耳。如晉之二王。唐之薛稷。及



近代蘇氏父子輩。是以書掩其畫者也。鄭處  
郭忠恕李公麟文同策。是以畫掩其書者也。  
惟米元章書畫皆精。故並傳于世。元章之後。  
黃華先生一人而已。詳觀此卷。畫中有書。書  
中有畫。天真爛漫。元氣淋漓。對之嗒然不復  
知有筆矣。二百年無此作也。古人名畫非少。  
至能蕩滌人骨髓。作新人心目。拔汚濁之中。  
置之風塵之表。使之飄然欲仙者。豈可與之  
同日而語哉。大德四年上巳後三日。晚進漁  
陽鮮于樞謹跋。鈴印二。虎林隱吏。因學齋。  
每觀黃華書畫。令人神氣爽然。此卷尤為卓  
絕。孟頫鈴印一。趙子昂氏。  
黃華老人。祖襄陽筆墨。至于平世。不遇。卒寓  
其窮困流離時使之然。豐祐之際。實不在半  
老下。文丹淵用墨。意在筆前。觀此卷。豈在彭  
城下邳。德常評古精詣。遂取其評以書。表稱

記。士夫游戲於畫，往往象隨筆化。景發興新。豈  
合豪吮墨。五日一水。十日一石之謂哉。故畫  
家之極經營位置者。猶書家工篆隸。士夫寓  
意筆墨者。猶書家之寫顛草。要非胸中富萬  
卷。筆下通八法。不能造其元理也。金黃華王  
先生。文章字畫之餘。留心墨戲。得譽於明昌  
大定之間。此幽竹枯槎圖。迹簡意古。文雄字  
逸。可與古作者並驅爭先。夫一時寄興之具。  
百世而下。見其斷續遺緒。使人景慕而愛尚。  
可謂能事者矣。東楚湯屋。手不忍置。讚曰。胃  
次磊落。今下筆有神。書畫同致。今盤露天真。  
維茲古木。今相友修筠。信手幻化。号咄嗟。遂  
述一時之寓。今百世之珍。泰舒懷想。号如見  
其人。鈴印二。湯屋。湯君載氏。  
黃華此圖。今吏部尚書太原郝繼先參政家

物也。蓋往歲倖太原日得之。雖官事殷繁。往來燕趙齊魯吳楚之間。未嘗離身。一日友人石君民瞻欲之情。不可惜。割己好而與之。每過京口。必一展玩。大德八年秋九月十有二日再觀。馬居克復題。監察御史行臺事永清史口仲微同觀。今代李仲方高彥敬李仲賓墨戲。皆自黃華老來觀此益信。蓋磊落傾倒之意。先後猶一日也。吾人文獻相傳類此。高郵龔璠書鈴印一。龔子敬氏。黃華先生人品口口口口。書畫莫不精妙。是以卿士大夫用寶藏珍玩之。今觀此卷。使人情思灑然。於戲。安得一夢見之。與之論書哉。康里夔夔識。一株枯樹挂枯藤。老幹槎枒覆翠筠。好侍九天新雨露。人間無處不宜春。無名款。

王子端先生隱於黃華山間寫作此宛如文  
與可游竇蓄谷戲墨蓋心領神會。傍若無人  
余昔在錢唐。見雙松小竹。歲陶東泉家。風  
韻瀟灑。殆非此也。當為生平第一筆寶。後  
學班惟志頓首書。  
大德乙巳九月。余應桂敬觀。  
王子端風猷英發。震盪可觀。此翰墨可見。想  
其揮灑凌厲之際。使人驚悚矣。德常寶之。蓋  
有為也。清河元明善書。鈐印二。明善復初。  
六書有象形之體。書與畫本一物也。然徒偏  
長於其事。而不達其義。則又工史之為耳。故  
先輩凡以書畫得名者。類皆文章之士。金黃  
華先生王子端。人品甚高。號為博雅。發於翰  
墨。往往為世所重。此卷狀物寫情。微寓戲  
常變。故後所作。故書與畫殊有奇崛跌宕之  
氣。並以鮮于困學趙松雪諸名公題識。可謂

兼妙矣。東廣梁公景熙。清材茂範。賞鑒精詳。近者按節海邦。特以見示。展誦中。因憶古人。潑墨成畫。縱酒作書。觀其形迹。若甚躁率。然絲神鑒素清。意度先定。下筆便自有法。故能絕俗出塵。優入佳品。豈非材會其全。而時出之者乎。知此則知子端之書畫矣。景熙公務時閒。庶幾再過方洲。相與一議。成化丙申。吳興張寧書於方洲草堂。鈐印三。清遠張靖之氏月舟。

黃華書畫。漁陽松雪清河恕齋康里諸先生題識盡矣。美容復置喙其間。獨於此不能無感焉。諸先生生數百年之上。不可得而見矣。其雍容閒雅。英豪高古之氣象。手墨間宛然可睹。拜觀之餘。令人悚然。彷彿周旋丈席下也。高山仰止。悠悠我心。丁酉二月上旬。後學豫章李士實拜手湯題。鈐印一。士實。

鑒藏寶璽

八重

收傳印記。趙子印氏。喬東成氏。鮮于。米真口。  
璧。印漁陽。蔡仲謙氏。紫芝珍賞。紫芝堂。秋莊。  
珍玩圖書。從心堂。夏玉芝。玉芝口印。李口口。  
口。楊口口口印。舜口印。俞庸時中氏。梁清標。  
印。蒼巖。蕉林書屋。蒼巖子。蕉林鑑定。河北棠。  
村。蕉林。淨心抱冰雪。秋碧。冶溪漁隱。梁清標。  
玉立氏印章。觀其大略。餘不可辨。

謹按王庭筠字子端河東人登大定十六年進士。明昌元年試館職中選。御史臺言不當以館閣處之遂罷。乃卜居彰德讀書黃華山寺。因以自號。三年名為應奉翰林文字龔璠字子敬自高郵徙平江官儒學副提舉班惟志字彥功號恕齋大梁人官集賢待制江浙儒學提舉余應桂字一之號蓀壁錢唐人宋季為縣令元隱居風篁元明善字復初清河人官安豐建康兩學正仁宗居東宮擢為太子文學及即位改翰林待制定祐中任翰林學士元史有傳

趙孟頫十四札一冊

本幅紙本。十四葉行書。尺牘十四通。

第一縱八寸。橫一尺三寸。孟頫稽首再拜。南  
谷真人尊師靜侍。孟頫自都下來。歸已九閱  
月。無日不懃謁侍之忱。而人事塵紛。欲一動  
身而不可得。今方揆遣來德清。欲詣真館。只  
尺蓬弱。不審可降屈尊重。一到敝廬否。謹專  
遣人上問動靜。臨紙不勝翹企之至。十二月



七日弟子趙孟頫稽首再拜。鈐封。南谷真入尊師。孟頫稽首。

再拜封。

證按杜道堅字處逸。號南谷子。當塗人。杭州宗陽宮道士。宋賜號輔教大師。入元時。時委馳驛江南。搜訪遺逸。奉重書提點道教。著老子原旨。及原旨發揮。闕尹闡元。文子續義等書數十萬言。皇慶初。宣授隆道沖真崇正真人。孟頫為作碑。稱先君將漕金陵。真人假館于書塾。携持保抱。緣契相投。蓋方外世契。道堅又兼佳持。湖州計壽山昇元報德觀。白石通元觀。故札中云真館只尺也。

第二。縱八寸五分。橫一尺二寸三分。孟頫頓

首進之提舉足下。一節不得書極深傾仰。近  
乃間已著黃冠。不審果否。平生過愛如進之。  
至為不可得。一旦又去為道士。心甚不樂。想  
必有不得已者。殊使人歎息。昨發來紙素。今  
先發紙吊于四十幅奉還。其餘絹者。後便洪  
叅軍去時納也。車橋小房子。不知曾為修理  
否。望加照拂。因便草率具字。欲歸未可。心日  
南馳。老妻附此致意。不宣。閏三月十日孟頫

記事類

謹按此札與後二札皆致崔進之書。孟頫別有致進之去家八年一帖。所云託交廿年餘蒙愛至厚者也。

第三。縱九寸。橫一尺二寸七分。孟頫書致子偉萬戶賢智。兩三次便中發書去。都不得回書。殊深懸想。二姊及諸小皆安否。春運專等米來。不知曾於家下取米否。此間飯米已盡。甚望發米來耳。夏運亦望發五十石來。千萬

預於家間取發。切不可悞。至祝至祝。右丞相  
主事見在此。幹旋流品。但無氣力。不敢向前。  
賢。解若不發來。此間且借用。却報去也。花梨  
木碗。千萬早做發來。今因惠宣使便。專附此  
書。丈母不別作字。丑丑傳語姊丈姊妹。不一  
不一。四月五日。孟頫押書致。  
鈴封。安家書致。  
子偉萬戶賢。

孟頫押封。鈴印。  
趙子印氏。

第四縱六寸六分。橫一尺二寸。孟頫頤首德。

輔教諭友愛足下別後每深懸想即日留都  
下。想安勝諸物若賣得望盡數買足色金來  
為佳。老婦要銀褐牙光細法緞子一匹。須長  
四丈小尺。欲做大襖子故也。是必休悵餘不

贅及。九月廿八日孟頫頫。前面祝買紫茸每匹

兩定上十匹千萬帶來。鈴封安書致見德輔友愛足下孟頫就封。

鈴印一趙孟頫印

第五縱九寸三分橫一尺七分孟頫記事頫

首進之提舉友愛足下。近李太常去。曾附書  
去。當已得達。青田蔣兄來。得書已悉。今有奉  
使去。已多說酒事之害。諸君可往告之。必能  
感應。但不可託之空言。來此報之甚好。因便  
作此。翁安人處息錢。千萬早發來。甚望甚望。  
傳語此君。不殊此意。令尊想安好。不一不一。

三月十四日孟頫頓

鈐封。記事奉達杭州竹  
竿巷崔進之提舉孟頫

就封。鈐印。  
趙子印氏。

第六。縱八寸五分。橫一尺六分。孟頫頓首進  
之。提舉友愛足下。近航便中得書。報茅生他  
之。已別令人刻石矣。今欲買雜物急用。專遣  
阿壽賣鈔二定去。望令人與阿壽買。疾忙發  
其迴。為荷。十四日早專等。切不可悞。如鈔少  
應支買下為感。前者應支并附子鈔畧。同心  
緒小定。當奉納也。老婦附致意。聞政安人。不  
具。孟頫記事。

第七。縱九寸三分。橫一尺。孟頫再拜處厚大  
學士相公賢親閣下。前所留物。實緣家間乏  
鈔。專為尋主。而爾來止是六定卅兩足色。恐  
有虧少。未敢便售。謹此報知。伏乞明降不宣。  
孟頫再拜處厚大學士相公賢親閣下。紙角  
有編號暉字。

第八。縱九寸二分。橫一尺四寸五分。孟頫頓  
首于久居士足下。乍別可量馳渴。梓老還得。



所惠書。知往來甚勞。問答甚悉。曹君誠豪士。  
何忍加不義於不肖哉。云旦夕有報。望早促  
之。必得端的為佳。不勝顙俟。子久能自來。益  
佳。小兒近得痔疾。晝夜痛楚。不能奉狀。極寒  
惟加愛不宣。廿六日孟頫頓首。損惠頂栗。領  
次知感。承令兄流問。冀道謝。惡書續納也。

第九。縱八寸三分。橫一尺一寸。孟頫頓首再  
拜。監簿郎中脩竹先生坐前。孟頫稍疏造請。

彌積仰私。率易羊脊一體。若枝一枰。生獐一頭。東陽酒四尊。拜手持納。輕黠知愧。倘蒙笑領。感幸難勝。草草代面不宣。孟頫頓首再拜。鈐印一。趙子印氏。

第十。縱橫俱七寸七分。邊都事善畫。深得闕全雅寂處。今之作山水者。大不能及。可謂思妙而入神也。嘗得礪曲圖。奉足下一笑而留之。孟頫頓首賓之。學士足下。鈐印一。趙孟頫印。

第十。縱七寸二分。橫八寸二分。守道以靜。此古人格言也。所以連時不喜出接人事。松花湯十瓶。奉作清供。草書一二紙。併乞目入。孟頫頓首。靜軒學士足下。

第十二。縱八寸八分。橫一尺三寸。孟頫再拜。學古提幹姊丈坐前。孟頫前年到吳中。隔一水而不至。越人生相見之難。乃復如此。叔夏來。得所惠書。審尊體勝常。為慰千萬。書經之。

役何為亦及姊丈。不肖尋常見姊丈書。輒以  
為不然而亦坐此受窘。豈不冤哉。呵呵。但叔  
夏此行。殊不易得。不爽吳門贖行之約。是所  
望也。因其還。草草具手狀不備。三月廿日孟  
頴再拜。

第十三。縱六寸四分。橫九寸三分。伯長到寓  
所兩日。特具人報足下知。可一來夜窗間話  
如何。海味四品。奉尊末。草草不能謹。孟頴頓

首義元仁契足下。鈐印一。趙孟頫印。

第十四。縱五寸八分。橫七寸七分。新茶妙甚。惜無惠泉以配之。呵呵。淵明詩數首送去。張之璧間。亦足供幽玩也。幸留下。孟頫頓首。必義學士。

鑒藏寶璽

八璽

收傳印記。青森閣書畫印。何元朗氏。攜李李氏。夢鶴軒珍藏記。張季準印。平我祕玩。準印。

中可。復徵玉乳子長。項篤壽印。神品。項元汴  
印。項墨林祕笈之印。子孫永保。墨林祕玩子  
京叔子。印主人。印攜李項氏士家寶玩。虛朗  
印退密。天籟閣真賞。印若水軒。項墨林鑒賞  
章。項子京家珍藏。元汴口山。印友。印口心。印  
李肇亨。衛氏家藏。鄒式金印。西田王挾之印。  
王挾。西田居士。顥菴挾。王藻儒氏。顥菴真賞。  
王挾字藻儒。號顥菴。又號復軒。文肅後人。藻

儒氏玉挾藻儒章

趙孟頫書書譜 一卷

本幅宋牋本。縱八寸九分。橫一丈八寸五分。  
臨孫虔禮書譜。時人那得知。敬雖權以此  
辭折安所鑑。自稱勝父。不亦過乎。且立身揚  
名。事資尊顯。勝母之里。曾參不入。以子敬之  
豪翰。紹右軍之筆札。雖復粗傳楷則。實恐未  
克箕裘。况乃假託神仙。恥蒙家範。以斯成學。  
孰愈面牆。後羲之往都。臨行題壁。子敬密拭。



除之。輒書易其處。私為不忤。義之還見。乃嘆  
曰。吾去時真大醉也。敬乃內慚。是知逸少之  
比鍾張。則專博斯別。子敬之不及逸少。無或  
疑焉。余志學之年。留心翰墨。味鍾張之餘烈。  
挹羲獻之前規。極慮專精。時逾二紀。有乖入  
木之術。無間臨池之志。觀夫懸針垂露之異。  
奔雷墜石之奇。鴻飛獸駭之資。鸞舞蛇驚之  
態。絕岸頽峯之勢。臨危據槁之形。或重若崩。

雲。或輕如蟬翼。導之則衆注。頓之則山安。纖  
纖乎似初月之出天涯。落落乎猶衆星之列  
河漢。固自然之妙有。非力運之能成。信可謂  
智巧無優。心手雙暢。翰不虛動。下必有由。一  
畫之間。變起伏於鋒杪。一點之內。殊衄挫於  
毫芒。况云積其點畫。乃成其字。曾不傍窺尺  
牘。俯習寸陰。引班超以為辭。援項籍而自滌。  
任筆為體。聚墨成形。心昏擬效之方。手迷揮

運之理。求其妍妙。不亦謬哉。然君子立身。務脩其本。揚雄謂詩賦小道。壯夫不為。况復溺思毫釐。淪精翰墨者也。夫潛神對奕。猶標坐隱之名。樂志垂綸。尚體行藏之趣。詎若功定禮樂。妙擬神仙。猶埏埴之罔窮。與工礪而並運。好異尚奇之士。翫體勢之多方。窮微測妙之夫。得推移之奧蹟。著述者假其糟粕。藻鑑者挹其菁華。固義理之會歸。信賢達之兼善。

者矣。存精寓賞。豈徒然與。而東晉士人。互相  
陶淬。至於王謝之族。郝庾之倫。縱不盡其神  
奇。咸亦挹其風味。去之滋永。斯道愈微。方復  
聞疑稱疑。得未行末。古今阻絕。無所質問。設  
有所會。緘祕已深。遂令學者茫然。莫知領要。  
徒見成功之美。不悟所致之由。或乃就分布  
於累年。向規矩而猶遠。圖真不悟。習草將迷。  
假令薄解草書。粗傳隸法。則好溺偏固。自闕

通規詎知心手會歸。若同源而異派。轉用之  
術。猶共樹而分條者乎。加以趨變適時。行書  
為要。題勒方幅。真乃居先。草不無真。殆於專  
謹。真不通草。殊非翰札。真以點畫為形質。使  
轉為性情。草以點畫為性情。使轉為形質。草  
乖使轉。不能成字。真虧點畫。猶可記文。迴互  
雖殊。大體相涉。故邪傍通二篆。俯貫八分。抱  
括篇章。涵泳飛白。若毫釐不察。則胡越殊風。

者焉。至如鍾繇隸奇。張芝草聖。此乃專精一體。以致絕倫。伯英不真。而點畫狼籍。元常不草。而使轉縱橫。自茲已降。不能無善者。有所不逮。非專精也。雖篆隸草章。用工多變。濟成厥美。各有攸宜。篆尚婉而通。隸欲精而密。草貴流而暢。章務檢而便。然後凜之以風神。溫之以妍潤。鼓之以枯勁。和之以閑雅。故可達其性情。形其哀樂。驗燥濕之殊節。千古依然。

體老壯之異時。百齡俄頃。嗟乎。不入其門。詎  
窺其奧者也。又一時而書。有乖有合。合則流  
媚。乖則彫疎。畧言其由。各有其五。神怡務閑。  
一合也。感惠徇知。二合也。時和氣潤。三合也。  
紙墨相發。四合也。偶然欲書。五合也。心遽體  
留。一乖也。意違勢屈。二乖也。風燥日炎。三乖  
也。紙墨不稱。四乖也。情怠手闌。五乖也。乖合  
之際。優劣互差。得時不如得器。得器不如得

志若五車同萃。思過手蒙。五合交臻。神融筆  
暢。暢無不適。蒙無所從。當仁者得意忘言。罕  
陳其要。企學者希風敘姓。雖述猶疎。徒立其  
工。未敷厥旨。不揆庸昧。輒効所明。庶欲宏既  
往之風規。導將來之器識。除繁去濫。睹迹明  
心者焉。代有筆陣圖。七行中畫。執筆三手圖。  
貌乖舛。點畫湮訛。頃見南北流傳。疑是右軍  
所製。雖則未詳真偽。尚可啓發童蒙。既常俗



所存不藉編錄。至于諸家勢評。多涉浮華。莫不外狀其形。內迷其理。今之所撰。亦無取焉。若乃師宜官之高名。徒彰史牒。邯鄲淳之令範。空著縑緗。暨乎崔杜以來。蕭羊已往。代祀綿遠。名氏滋繁。或藉甚不渝。人亡業顯。或憑附增價。身謝道衰。加以糜蠹不博。搜祕難盡。偶逢緘賞。時亦罕窺。優劣紛紜。殆難覩縷。其有顯聞當代。遺迹見存。無俟抑揚。自標先後。

且六文之作。肇自軒轅。八體之興。始于嬴正。其來尚矣。厥用斯宏。但今古不同。妍質懸隔。既非所習。亦又畧諸。復有龍蛇雲露之流。龜鶴花英之類。乍圖真于率爾。或寫瑞于當年。巧涉丹青。工虧翰墨。異夫楷式。非所詳焉。代傳羲之與子敬。筆勢論十章。文邨理疎。意乖言拙。詳其旨趣。殊非右軍。且右軍位重才高。調清詞雅。聲塵未泯。翰無名款。四紙接裝上。有元亨利貞。

四字  
標記

後幅項聲表跋

趙吳興書畫譜先王考墨林鑒賞項聲表記  
鈐印二項聲表記津公

鑒藏寶璽  
八璽

收傳印記墨林山人敬印合同退密子京所

藏平生真賞子孫永保項子京印半橋李項氏

士家珍藏文柏寓目臣正李青真賞柯庭祕

笈季青清玩搞藻堂書畫印平陽季子收藏

圖書口口常印。

趙孟頫書李白襄陽歌一卷

本幅宋牋本。縱九寸。橫四尺。行書。李白襄陽  
歌。落日欲沒峴山西。倒著接籬花下迷。襄陽  
小兒齊拍手。攔街爭唱白銅鞮。傍人借問笑  
何事。笑殺山翁醉似泥。鸕鷀杓。鸚鵡杯。百年  
三萬六千日。一日須傾三百杯。遙看漢水鴨  
頭綠。恰似蒲萄初醖醅。此江若變作春酒。壘  
麴便築糟邱臺。千金駿馬換小妾。笑坐雕鞍

歌落梅。車傍側掛一壺酒。鳳笙龍管行相催。  
咸陽市中嘆黃犬。何如月下傾金罍。君不見  
晉朝羊公一片石。龜龍剝落生莓苔。淚亦不  
能為之墮。心亦不能為之哀。清風明月不用  
一錢買。玉山自倒非人推。舒州杓。力士鐺。李  
白與爾同死生。襄王雲雨今安在。江水東流  
猿夜聲。子昂為仲寶書。鈐印一。趙子印氏。

引首

御筆 鷗波墨妙 鈐寶一乾隆御筆

後幅趙麟題跋

鑒藏寶璽 八璽

收傳印記 午峯微隱

謹按跋中語是卷本有趙雍跋趙麟初跋今祇存趙麟再跋蓋市賈以古人名蹟破一為

此卷往年于厚攜至京師麟時在國學中拜觀于時習齋而先君亦嘗題識于後因書以記歲月今年夏子厚復攜過竹溪見示迴思曩時迨今年十有餘年而先君去世已三年矣展玩之間相對哽咽時至正廿四年六月望日也孫男麟拜書鈐印二趙麟私印貞白齋

三希堂法帖  
兩致足惜耳。是蹟刻入



趙孟頫八札一卷

本幅八幅。縱九寸。行書。第一。金粟箋本。橫二尺五分。孟頫再拜。直夫提舉。宣除姨丈坐右。孟頫為小兒勉強定盛宅之親。緣俗務不可動身。專浼力師舅一行。賁鈔貳拾定去。所有禮物一切所須。並於鈔內買辦。數內金釵一雙。重貳兩。望姨丈親自看視。那換打造發去。其餘有可於南潯辦者。并望用情區處。南潯

不必辦者。已囑師舅往平江辦矣。非恃親誼。不敢如此。切告加意。就有竹絲圓食羅一擔。白魚干二尾。野雞腊四枚。寄納。輕微。皇恐。笑留幸甚。拙婦附致姨姨安。人問敬。上下春輯。同此致意。不宣。孟頫再拜。二月廿九日。鈐封家書

拜上直夫提舉宣除姨丈。春末趙孟頫謹封。鈐印。趙孟頫印。第二。金粟箋。

本。橫一尺二寸八分。都運相公琴軒吾兄閣下。因松澗便。嘗具記承動履。不審得達左右。

否。新歲計惟台候勝常。孟頫恃過愛有白刺。  
中王吉甫與不肖三十年之舊。今將走京師。  
而乏裹糧之資。求羽言晉見。兼聞舊嘗趨下  
風。倘辱進而惠顧之。幸甚幸甚。猶寒惟善護  
興息。前迓寵光。不宣。正月十七日。孟頫頓首。  
再拜。鈴頫印。印半第三。金粟箋本。橫二尺一寸。  
孟頫書致二哥總管賢壻。小金來得書。封至。  
李都運記事。且可免今年一行。甚好。邊照磨。

卷軸已為作記。兩日前附阿還將去。詎想亦已到彼矣。又王與之將賢壻書來。欲寫都運碑文。緣碑文大故。鄙俚決不可寫。渠云與孟總管有舊。連日將去求改削。未見再將來。若將來可寫。便寫去也。半月來痔瘡大發。痛楚無聊。小金便還。草草作答。丈母同傳語不具。八日孟頫書致。望為催交教諭處鈔。疾發未為祝。第四金粟牋本。橫一尺七寸。孟頫頓首。

再拜萬戶相公尊親家坐前。孟頫近陸總管  
便。曾附尺書。此當必達。所寄鈔想蒙不阻。今  
有餘鈔廿定。附李千戶便納上。內見鈔陸定  
九兩。內紵絲二十匹。計價鈔一十三定四十  
一兩。望親家特為變鈔。通前所寄共五十定。  
附帶發船為幸。但是所得皆惠及也。孟頫明  
後日便還德清。適王吉甫自越上來相會。云  
因戶門事到海上。望親家以門牆舊客。凡百

照管為大幸也。寒燠不常。惟厚加珍愛。不宣。

十二月十日孟頫頌首再拜。鈐封家書頫首再拜萬戶相公

尊親家。忝眷趙孟頫謹第五素箋本橫一尺。封鈐印一趙孟頫印。

五寸四分。清真鑒義真人侍者。孟頫半歲卧病。不得奉記。想不怪也。近劉漢臣來。乃知雅候亦苦瘡癰。甚喜平復。菩提奴一病幾死。至今未甚愈。近劉漢臣來。與之祈禱。服所降藥有效。望清真為達此意。仍望轉浼漢臣為解。

呪咀等早得平安。不勝幸荷。專此奉記。老婦  
不及作書。附此致意。清溪鑒義會間。併望道  
問信。不宣。十一月三日。孟頫稽首第六。藍牋  
本。橫二尺五分。孟頫拜覆親家太夫人坐前。  
孟頫頃蒙惠書。見擾未得拜答。即日伏惟淑  
履安勝。茲承四令。郎舍人榮締良姻。喜盈吉  
席。輒有紵絲一端。錦荔一棹。蜜橘百五十栗  
子十斤。蟋蟀三十片。綿羊一牽。拜納。聊見賀

意得辱笑留幸甚。令郎來侍。異道下情。老婦

同此意。不宣。孟頫拜覆。

鈐封家書拜上親家太夫人尊前。春趙孟

頫謹封鈐印。

第七。藍箋本。橫一尺六寸。孟頫

稽首師聖。提點法師侍者。孟頫近蒙惠書。先  
師老真人遽爾仙逝。聞之哀痛傷悼。南望涕  
零。而不肖之蹤。竊祿于朝。欲一慟而無由。輒  
有薄奠。折鈔一定。致于几筵。伏冀香白。外蒙  
遺留之寄。舉室感激之至。且此奉唁。唯節哀。



順變不宣。孟頫稽首上記。師聖提點法師侍  
者第八。藍箋本。橫二尺。孟頫記事再拜。廉訪  
相公子淵契友閣下。頃附便奉記。計猶未達。  
正月望日。得所惠書。知體候勝常。深以為慰。  
令弟子山時時相過。屢商畧先太師碑文。孟  
頫不揆愚鄙。輒欲有所述。其大意則子山當  
能言之。或高明以為然。便當輒為之也。黃庭  
至今未能臨寫。不至見責。不淮右無事。官府

清靜必稍安也。因便草草具答。時中唯為相  
業自重。不宣。廿二日。孟頫記事。再拜。廉訪相  
公子淵契友閣下。

後幅嚴激跋。

趙文敏書取法右軍。推其意大令即所不屬。  
近見宗米南宮者。妄肆譏評。嗟嗟。文敏與南  
宮並法右軍。政如禪宗南北。徒眾紛紜。甚至  
相戕。實出一本。謾南宮共文敏同堂論書。不  
如大庾嶺能明共證乎。何學者之惑也。因家  
弟道普藏此。并南宮東各八。俱極精妙。而筆  
意相通。全是右軍趨步。特表此意。後學嚴  
書鈴印。三琴書自始。嚴激之印。恬暢齋。

鑒藏寶璽

八璽

收傳印記

鄧錕

印平生

印道普

游心

印虞山

印

汪雪道人

真賞

嚴澤之

印嚴澤

印蔣文從

印

印

印

寶圖書

印

謹按第七杜所云老真人即前札南谷真人  
杜道堅所致師聖提點道堅弟子姚志恭也  
第八札乃致康里回者回字子淵官淮西廉  
訪史故云淮右無事其弟子山即康里文貞公  
太師謂其父不忽木松雪集載康里文貞公  
碑文即札中所云也

趙孟頫樂志論書畫合璧一卷

本幅紙本。二幅。畫幅縱八寸五分。橫四尺八寸。設色畫樂志論中景。無款。鈐印二。趙子印。氏。趙孟頫印。書幅縱八寸二分。橫三尺一寸。行書樂志論。凡遊帝王者。欲以立身揚名耳。然名不長存。人生易滅。思卜居清曠。以樂其志。論之曰。使居有良田美宅。背山臨流。溝池環取。竹木周布。場圃築前。果園樹後。舟車足。

以代步涉之難。使令足以息四體之役。養親  
有無珍之膳。妻孥無苦身之勞。良朋萃止。則  
陳酒肴以娛之。佳時吉日。則烹羔豚以奉之。  
躊躇畦苑。遊戲平林。濯清水。追涼風。釣游鯉。  
弋高鴻。風於舞雩之下。詠歸高堂之上。安神  
閨房。思老氏之元虛。呼吸精和。求至人之髣  
髴。與達者數子。論道講書。俯仰二儀。錯綜人  
物。彈南風之雅操。發清商之妙曲。消搖一世。

之上。睥睨天地之間。不受當時之責。永保性命之期。如此則可以陵霄漢出宇宙之外矣。豈羨夫入帝王之門哉。至元辛卯三月十有七日書于昂鈴印二。趙子印氏。趙孟頫印。又跋。余自少時愛畫。得寸縑尺楮。未嘗不命筆模寫。此圖是初傳色時所作。雖筆力未至。而粗有古意。爾來鬚髮盡白。畫乃加進。然百事皆懶。欲如昔者作一二圖。亦不可得。右之要

余再跋故重書以識之。孟頫鈐印一。趙子印  
氏。

前後隔水

御筆分題行書。

靜觀水晶道人圖。如讀高平所著論及誦天  
學士記。又似松雪畫重認。有記可以不須圖。披  
圖味論無餘蘊。一而二而二而一。前三後三水  
乳潤。鄭虔三絕詎足云。獨擅藝林千古韻。然非

山陽超世作。曰圖曰記。何由問。緬想昌言發憤。  
為斯誠狂也。可與進。丙申仲夏月中。澣御題。鈴  
寶二。乾隆。

鵲華秋色水村圖。皆晉王孫之佳作。此卷用意  
特精嚴。出之以逸博而約。二圖早入石渠珍茲。  
為殿。允得其託。並山環溪構美宅。揖讓賓朋命  
僮僕。良田春種復秋收。奉親息體志堪樂。樂在  
斯。意不在斯。圖斯意實。筆難著。仿佛松雪老人。



言。原弗丹青詡般磚。同日又題并書卷後鈴

寶二。乾隆宸翰。幾暇臨池。

高幹雄志及雄才。後果如言具先見。以此羶薌  
致令間詎止。隱淪期獨善。文敏結構得此意。有  
斐君子瑟兮絢。四百餘年妙蹟留。丁甲呵持永  
不變。裴池割裂失去名。名去實存神弗亂。文評  
書倣李北海。張學顏碑筆尤健。擬法斯圖亦匪  
難。則待廿年勤之倦。復題是什并錄如右。鈴

寶二。乾隆宸翰。掬水月在手。

右三詩。首章言高平樂志。寄託高遠。鷗波繪事。曲盡其妙。張照作記。水乳交融。合之可稱三絕。次章因內府舊藏鵲華秋色及水村圖。皆吳興傑作。此卷筆意。特以精嚴擅場。石渠趙畫。得此鼎峙矣。顧考歷代收藏家。若清河書畫舫諸書。皆不載此圖。而畫幅中子昂又未署名。幾無可徵驗。然審其筆墨。工整中具有秀逸之致。疑是

千里大年家法。信非他手可辦。其失歟。或由割裂。實存固無礙乎名之佚也。故三章終及之。惟諦察卷後子昂書論及自跋。頗似雙鉤。疑為後人贋作。而張照之記。小楷則類平原麻姑壇文。筆則仿昌黎畫記。其於松雪稱許特甚。是山陽之論得松雪之畫而益彰。松雪此圖。詎非賴天瓶之記而益信乎。詩既分書各格水間。并識數語於後格水。附書之。同日御筆鈐寶二。比德。

朗潤

引首

御筆 後先三絕 鈴寶一 乾隆御筆

後幅前人并張照題跋

翩翩公子是名流。邱壑都從筆底收。樂志能  
如仲長統。却嗤軒蓋傲王侯。小齋松雪對青  
山。波上鷗羣自往還。文米風流今寂寂。空餘  
粉墨落人間。巴西鄧文原鈴印。一鄧文原印  
右先公初年所作樂志圖。癸至正十四年冬  
被召入京師。待制集賢。十六年秋。航海南還。  
十七年春。琴川鄒伯常携以見示。拜觀之餘。  
悲喜交集。仲男雍書鈴印。一仲穆。

伯常避難東徙。家貲如山。委棄不復顧。獨  
珍惜此圖。不忍使失去。客中時一展玩。輒欣  
然自慰。雅好異於流俗。深可敬也。併書二絕  
于後。萬金家產不復惜。特寶王孫山水來行  
李。只留三尺素。時時展玩旅懷開。知君雅志  
在邱樊。萬壑千峯映華門。此境人間何處有  
便堪避世似桃源。山陰趙宜浩鈴印一眠雲  
山房。

石趙松雪樂志卷。畫法伯駒。書法北海。並入  
宋人之室。政壯盛時所作也。余生平見魏公  
片楮輒欲下拜。此卷精妙絕倫。以已意兼古  
法。行筆設色俱非人工可到。昔人評之云。上  
下五百年。縱橫一萬里。信非虛語耳。堪與江  
山雪霽寒江獨釣二卷。鼎足而三。後跋語皆  
出名流。方之二卷更勝。此海外奇琛。一旦置  
之几席。安得不焚香頂禮哉。相傳此卷為國

初高太史物。流落人間。今歸之九達先生。為  
此卷慶得所矣。辛卯十月六日。同履約兄弟。  
道復諸君。泛太湖。憩天桂樓。出以相賞。為之  
神情朗快。謹識數語于卷。以紀歲月。云。後學  
文徵明書。鈐印三。傳雲生徵明。徵仲父印。  
紙本。高八寸。廣四尺五寸。中作高岩峭壁。連  
岡斷嶺。平臺坡陀。側峯遙岫。竹嶼松坪。雲橫  
林樾。凡山之狀。十有二。作懸瀑激湍。流泉洄  
淵。出峽周舍。巨港平溪。橋下石間。凡水之狀  
十。其草木之屬。為松。為竹。為高柯。為偃蓋。為  
疎林。為灌木。為雜樹。為嘉果。為枯株。為柔蔓  
為芳草。為宿莽。為苔。為藤。為繞宅。為陰庭。為  
倚山。為俯水。木勢欲千章。其可指數者。凡四  
十有八。竹勢欲萬个。其可指數者。凡百有二。  
其田宅之屬。有堂。有亭。有樓。有榭。有書室。有  
閨房。有庖。有石。有門。有庭。有牆。有籬。有蘇架。

有節。橋有瓦。校有闌干。有方疏。有圓牖。有窻。  
有笑。有塔。有壁。有址。有碑道。有石徑。有場。有  
圍。有勝。有露積。凡三十人。有丈夫。有女子。有  
童。此有蒼頭。有丁男。獨坐者。共坐者。坦腹者。  
讀書者。坐語者。立語者。舉構治庖者。候門望  
者。負筐欲歸者。理薪入筐者。擔而走者。田者。  
灌園者。掃者。篙舟驅鳴者。揚鞭牽羊者。凡人  
之事十有六。人十有四。而人之情狀非可以  
泥陳物。有雙雞。隻羊。鴨十三。羊欲却而彊前。  
雞相呼啄于露積之下。旋呼旋爭。鴨近岸者  
狀欲登稍遠。狀欲逸最速于岸者迫于舟。狀  
如驚如避尾下而首高。跪則若輕乃若畫舫。  
若木几。若石臺。若石林。若椅。若檯。若幔。若書  
若硯。若筆斗。若酒罍。若醬新。若  
馬。若金。若壺。若鼎。若盤。若盂。若釜。若篋。若簞。  
具。若怡。若未。若相。若箴。若策。若折枝。若鞭。若鐙。

其類三十有一。數六十有六。夫為宅並山越  
溪而未止。宅廣矣。倉箱既盈而露積田良矣。  
供給之人。各執其業。足以息四體矣。妻孥熙  
熙。讀書款語。無苦身之勞矣。繪羊不繪羔。羊  
必有美。且繪舟而不繪車。繪雞而不繪豚。已  
所畧也。雖驚既具。嬰甌列陳。厨娘執作。有嘉  
酒旨。養親宴賓。可以垂釣。几于松林之下。可  
坡于茆亭之外。可以垂釣。几于松林之下。可  
以彈琴。而不復繪其事者。全圖之意。在詠歸  
高堂之上。故也。主人既詠歸高堂之上。則良  
朋達者。不具在矣。夕陽在山。樵歸牧返。軒窗  
戶牖。或啓或閉。皆若避暑。夏日之西照。猶古  
畫鍾馗。食鬼。用力在大。桡指。則通身筋骸皆  
從之。無一舛戾者。尺蹠之內。千種萬類。一時  
畢具。入彌勒毘盧之間。在在化身。證華嚴帝  
網之門。重重無盡。松雪居士。藝進乎道矣。雅



正十三年又四月初五日張照詆鈴印二照  
得天

鑒藏寶璽

八璽

古希天子。五福五代堂古稀天子。

寶壽。八徵耄念之寶。箇中自有玉壺冰。落紙雲  
烟學鏡千古。得象外意。叢雲用筆在心。妙意寫  
清快。含味經籍。雲霞思。寓意于物。墨雲中有同  
春。垂露研露。半榻琴書。齊物心清。間妙香如水。  
如鏡。慎修思永。追琢其章。水月兩澈明。朝日輝  
天地為師。

收傳印記王氏家藏空印完印大司成章印

林屋珍玩林屋山人慕印允遠顯印廷印澹

蕩印何元朗氏玉堂中人旌節名門印渚山

人徐理用氏之印畔墨池清興碧浪菴臣宗

萬衣園珍藏

趙孟頫二羊圖 一卷

本幅素箋本。縱八寸三分。橫一尺五寸。水墨畫羊二款。余嘗畫馬。未嘗畫羊。因仲信求畫。余故戲為寫生。雖不能逼近古人。頗於氣韻有得。子昂鈐印二。趙子印氏。松雪齋。有門字編號。

御題行書

子昂嘗畫馬。仲信却求羊。三百羣辭富。一雙性

具良通靈無不妙拔萃有誰方。跪乳畜中獨伊。  
人寓意長。甲辰新正月。御題。鈴寶二。古希天  
子。猶日孜孜。

後幅前人題跋

余嘗讀杜工部畫馬讚云。良工惆悵。落筆雄  
才。未嘗不嘆世之畫者難其人也。晉唐而下。  
姑未暇論。至如近代趙文敏公書畫俱造神  
妙。今觀此圖。後復題曰。雖不能逼近古人。氣  
韻有得。非公誇言真妙品也。好事者其慎保  
諸。吳龍門山樵良時寓玉峯。連錄軒題。時為  
洪武十有七年秋七月十九日也。鈴印四。夕  
仕。軒良琦之印。樸菴。吳山迂樵。

引首

御筆。寢訛神肖。鈐寶一。古希天子。

題籤

御筆。趙孟頫二羊圖。神品。鈐寶一。乾隆宸翰。

鑒藏寶璽。八璽。古希天子。壽。五福五代堂古稀天

子寶。八徵耄念之寶。

收傳印記。神品。項墨林鑒賞章。項子京氏寄

傲。墨林項季子章。項元汴印。退密。沮溺之儔。

山人。半印。田疇。半印。子京。半印。蓮廬。半印。子京所藏遊

方之外。項子京家珍藏。項墨林父祕笈之印。

庚申方仲子孫世昌。方邵村收藏圖書記。龍

眠方亨咸邵村圖書。宋犖審定應侯珍賞。

謹按是蹟據僧良琦跋乃顧瑛家所藏也。又見真蹟日錄及書畫彙考亦首載琦跋。後有宋犖張大本偶武孟無名氏東竺山人昆邱遺老石城居士李日華八人詩識。今俱佚。蓋為市賈割去。另為一卷矣。

趙孟頫蘭亭脩禊圖 一軸

本幅絹本。縱五尺一寸八分。橫二尺九寸三分。設色畫蘭亭脩禊故事。款。蘭亭脩禊圖。至正暮春之初。寫於山陰道上。子昂。

御筆 韻事傳神 鈐寶二。古希天子。八徵耄念之寶。

玉池

御題行書

本是水晶宮裏人。渡江却往山陰道。可知山水  
興不淺。適興惟益取其好。鏡中行以至蘭亭。把  
筆遂寫脩禊藁。氣清天朗時既佳。峻嶺激湍境  
值巧。爾時遊者卅二人。亦有少年亦有老。十一  
人詩成兩篇。十五人成一篇早。其十六人乃弗  
成。罰以三觥蔽辜了。羣從齊契共嬉春。玉樹芝  
蘭庭際繞。事固可傳圖可傳。玉枕更貌佳文小。  
甲辰閏三月上澣御題。鈐寶二。古稀天子之



寶猶日孜孜

鑒藏寶璽

八璽

古希天子壽八徵耄念之寶

高克恭雨山圖 一軸

本幅宋箋本。縱三尺八寸。橫二尺五寸五分。  
水墨畫濕嵐濃樹。下閉孤廬。款克恭為孟戴  
畫雨山圖。畫竟雨如澍。快事也。

御題行書

畫竟雨如澍。房山自所云。展仍對佳霽。霏似落  
濃雲。意以運靈幻。神非闕苦勤。村田阿那畔。誰  
者出耕耘。戊戌夏六月中澣。御題。鈐寶二乾。

隆。

鑒藏寶璽

金璽

收傳印記五世司馬世家藏。唐崔徵印。唐順之印。提督江河淮海兵馬章。蕉林收藏。  
謹按孟載乃楊基字。

王振鵬龍舟圖 一卷

本幅絹本。縱九寸八分。橫七尺五分。界畫宋  
寶津樓競渡景。款。臣王振鵬。自題。崇寧間三  
月三日。開放金明池。出錦標。與萬民同樂。詳  
見夢華錄。題曰。三月三日金明池。龍驤萬斛  
紛遊嬉。歡聲雷動喧。鼓吹喜色日。射明旌旗  
錦。標濡沫能幾許。吳兒顛倒不自知。因憐世  
上奔競者。進寸退尺何其癡。但取萬民同樂

意為作一片無聲詩。廩給令王振鵬百拜敬  
畫謹書。鈐印一。特賜孤雲處士圖書。

後幅前人題跋。

金明池水清且漣。寶津樓閣三山巔。魚龍一  
鼓雷破壁。貌虎萬艘風動天。銀濤激起翻匹  
練。絳繩笑出勝飛仙。錦標奪得未為快。東朝  
畫史今龍眠。翰林侍讀學士李源道題。  
界畫家以王士元郭忠恕為第一。余嘗問畫  
史言尺寸層疊皆以準繩為則。殆猶脩內司  
法式。分秒不得踰越。今聞王君以墨為濃淡  
高下。是殆以筆為尺也。條九秋爽。未嘗以繩  
墨論。孫吳之論兵。亦猶是也。然嘗聞鑒古之  
道。必由其侈靡者言之。余於畫斷有取焉。龍

舟之圖得無近似不然昔之所傳者安得久  
遠至是耶翰林直學士袁桷敬題

溶溶春水戲羣龍畫鼓蘭橈競奏功得失等  
閒成愠喜人生萬事奕棋中集賢直學士鄧

文原敬題  
金明池上水如空矯矯龍舟乘旋風忽看碣

極百戲出似與阿房萬戶通青春仗衛來城  
內。白。白。樓臺橫吹中東都天子方宴樂欲致

秦皇漢武功園子博士柳覽

金明池上張水嬉百權鼓勇兼鼓旗梅欄切

雲人俯砌但覺洶洶鳴春濤東西夾岸瞻萬

目黃帽長年看不足是時恰值宣和金盛時

消下輕綃寫晴渌前集賢待制馮子振口題

鈴印一海粟

畫人曾次見忠貞意氣規模一味清想像當  
時同樂日披圖似有舊歡聲集賢大學士陳

顏敬題  
天子淳風翊聖朝。瑶階長奏太平謠。搢紳文  
武風雲際。肯向龍舟奪錦標。儒學提舉陳庭  
實敬書

鑒藏寶璽

全八璽

收傳印記  
皇姊珍玩錢氏素軒書畫之記  
錢氏合縫  
鼎素軒清玩珍寶韓世能印  
逢禧康伯黔寧王子孫永保之繼軒沐璘廷章壽

謹按書畫舫云元人界畫首推王振蜀不在  
恕先之下韓氏金明池圖一卷足稱絕品今  
在予家此卷中有韓世能逢禧二印是也書  
畫彙考載此卷七人題識俱同外又有趙巖

王毅。吳全節。張瑄。王約。李洞。杜禧。趙世延。八  
人詩。又張丑。龍舟。奔標。圖跋。今俱佚。表楠跋。  
見清容集。且有魯國大長公主圖畫記云。至  
治三年三月甲寅。魯國大長公主。集中書議  
事。執政官翰林集賢成均之在位者。志會于  
南城之天慶寺。命祕書監丞李某為之主。酒  
還出圖畫若干卷。命隨其所能。俾識于後。是  
卷即當時所題也。考元史。順宗女祥哥剌吉。  
下降駙馬都尉阿不剌武宗時。封魯國大  
長公主。仁宗即位。進號皇姊大長公主。故有  
皇姊珍玩印記。



趙雍自書詩詞 一卷

本幅素牋本。縱七寸七分。橫一丈三尺五分。  
行書。乳燕交飛。曉鶯輕囀。花深處。畫堂簾幕。  
卷東風。晴雪飄香絮。猶記當時院宇。悄寒輕。  
梨花暮雨。繡衾同夢。鴛枕雙歌。綠窗低語。春  
已闌珊。落紅飄滿西園路。強拈針線。解春愁。  
只是無情緒。無奈年華暗度。黛眉顰。柔腸萬  
縷。章臺人遠。芳草和烟。萋萋南浦。

玉月墜金  
環。即燭影。

搖紅

楊柳樓臺鎖翠烟。楊花簾幕撲香綿。佳人

何處隔江山。芳草已生千里恨。玉笙吹徹五

更寒。夜深和淚倚闌干。落盡楊花滿地春。綠

陰如淬淨無塵。日長庭院掩重門。斜墜金釵

雲半髲。澹粧香臉粉輕勻。相思偏是少年人。

浣溪紗

春寂寂。重門半掩梨花白。梨花白。芳心

如醉。暗思當日。金釵欲墜烏雲側。佳人望斷

天涯客。天涯客。今年又過清明寒食。憶秦娥畫

用聲殘。金爐烟裊。長空澹澹。連芳草。珠簾半  
卷。晚霞明。塞雁無情。音信杳。雨散雲收。離多  
會少。相思真个令人老。不須惆悵。且開懷。一  
尊滿。引愁如掃。行踏莎去年美人未還家。綠窓  
青春桃始花。桃花今年只依舊。美人別後長  
咨嗟。芳心欲傳向誰。慙。捲却羅袖彈琵琶。琵  
琶聲哀。思欲絕。衣上啼痕幾時滅。共君別久  
胡不來。菱花寶鏡生塵埃。君隔揚子江。妾居

黃金臺。臺雖高。望無極。人萬里。分天咫尺。春  
水綠波春草碧。來魚去雁無消息。日既暮。分  
月色寒。相思如夢彫朱顏。青燈炯炯照不寐。  
攬衣起坐空愁嘆。春夜高捲朱簾日漸長。梅  
花庭院雪飄香。閒倚闌干看新柳。不知誰為  
染鵝黃。春早綠陰庭院碧窗紗。半捲朱簾映晚  
霞。芳草萋萋春寂寂。東風吹盡落殘花。暮春君  
不見。潁川水。首陽薇。民到于今慕夷齊。巢由

之名誰不知。又不見千門萬戶宮。神明通天  
臺。及今千五百餘載。空遺荒土飛黃埃。西風  
蕭蕭秋草萋。野花灼灼啼鳥悲。落日欲留不  
可得。夜深明月依然來。玉樓朱閣盡如夢。自  
古興亡何足哀。短歌行。孟春之月春始和。陌頭  
柳色黃如鵝。落梅紛紛稍覺多。白日炯炯曜  
綺羅。曜綺羅日漸長。春風庭院花草香。十六  
初過上元節。家家兒女結羊腸。含情暗卜心

自語何時得似雙鴛鴦。結成羊腸腸反斷。惆

悵春閨坐長嘆。強持薄怒嬌且羞。折花倒插

金釵頭。

結羊腸。都下風俗。至正月十六日。家家兒女。以紙九條。或用皮者。結以為

卜。謂之結羊腸。其名甚古。因以咏之。美人如花。花不如。翠滑難

勝碧玉梳。道脩且阻。無音書。蛾眉長顰。未曾

舒。春風吹衣裳。黯然淚沾襟。鴛啼本無心。轉

添愁海深。窗前紅梅花。落盡不可簪。玉臺明

鏡如秋水。疑有人間兩西子。美人未可彫朱

顏朱顏但願長如此。美人顏如花。膚如雪。秋

水雙眸面如月。千里相思不相見。當時那恨

輕離別。美人美人顰蛾眉。綵窗寂寂春風微。

巫山夢斷君何處。化作朝雲飄渺飛。千里春

草萋萋。綠漸濃。梨花落盡晚來風。試問相逢

何處好。小樓東。朱箔影移無限恨。玉簫聲轉

曲將終。獨倚闌干誰是伴。月明中。攤破浣溪顏

色如花肌似雪。嬌眼轉波。密意曾低說。羅帶

同心愁未結。情多不忍成輕別。別後相思心  
更切。異日重逢。鏡裏花難折。寶篆香銷烟漸  
歇。玉簫吹徹黃昏月。蝶戀花 翠鎖蛾眉別恨濃。

羅衣初試怯春風。相思只為兩西東。簾捲玉  
鈎雲淡淡。香銷金鼎雨濛濛。此情都在不言  
中。沈溪 枝上流鶯千轉巧。好夢方成。又把人

驚覺。臨鏡慵粧眉淡掃。羅衣寬盡腰支小。別  
久啼多音信少。應是嬌波不似當時好。簾捲



東風深院悄。落紅滿地和芳草。蝶戀紛紛落

花飄。美人在何許。相思杳如夢。寂寞春已暮。

一別久不見。一往久不還。相思雖咫尺如隔

千萬山。有所思別久漸生愁。知有音書苦未收。

此際多情應盼我。凝眸帶得啼痕上小樓。舉

止忒風流。只在城南綠水頭。咫尺藍橋重欲

見。無由兩地相思甚日休。南鄉子人生能幾渾

如夢。夢裏奈愁何。別時猶記眸凝秋水淚濕

春羅綠楊臺榭。梨花院宇。重想經過。水遙山  
遠。魚沈雁杳。分外情多。相思何日重相見。山  
遠水偏長。鳳弦雖斷。鸞膠難接。愁滿離腸。最  
傷情處。鮫綃遺恨。翠靨留香。故人何在。濃陰  
深院。斜月口窗。人月圓仙肌香潤。玉生寒。悄無  
言。思絲絲無限。柔情分付與春山。青鳥能傳  
雲外信。憑說與。帶圍寬。花梢新月幾時圓。再  
團圓。是何年。可是當初。真个兩無緣。極目故

人天際遠。多少恨。凭闌干。五陵衣馬恣輕肥。  
競新奇。亦□□。混處賢愚。誰與辨雄雌。任爾  
刺天何足道。終不肯。羨羣飛。□山花落暮春  
時。杜鵑啼。勸誰歸。耿耿孤忠。惟有此心知。天  
賦我才還有用。應不至。負心期。江城子。新綠成  
陰。落紅如雨。春光晚。當年誰與種。相思空羨  
雙飛燕。寂寞幽窓。孤館念同遊。芳郊秀苑香  
塵隨馬。細草承輪。都成腸斷。別久情深。幾時

重約開庭院。高樓終日捲朱簾。極目愁無限。  
莫恨藍橋路遠。有心時終須再見。休教長怨。  
鏡裏孤鸞。篋中團扇。

燭影搖紅

春色去。何憂春去

尚凝寒。滿地落花芳草。漸覺綠陰圓。馬足車  
塵情味。暑往寒來歲月。擾擾十餘年。贏得朱  
顏老。孤負好林泉。寶裘鞍。金作鐙。玉為鞭。須  
臾得志。紛華滿眼。縱相謾。功名自來無意。富  
貴浮雲何濟。于我亦徒然。萬事付一笑。莫放

酒杯乾。

水調歌頭

初月纖纖照露臺。枉將瓜果開。

嬰孩。今宵自有千年約。何暇閒情送巧來。牽

牛河東織女西。相望千古幾時期。夜深只恐

天輪轉。地底相逢未可知。

七夕

西風聲蕭蕭。愁

來如夢寐。鄉關萬里遙。兄弟何時會。遲此相

見期。真以日為歲。別來經八霜。朱顏恐顚顚。

人生宇宙間。名利何足計。何如雲中鶴。翱翔

隨所止。我居水精宮。遠遊來朔方。離家近十

載。兄。弟。遙。相。望。始。見。世。情。薄。紛。紛。名。利。場。富  
貴。不。可。期。人。生。難。忖。量。乾。坤。本。無。私。江。山。歎  
興。亡。蟬。聲。噪。落。日。露。草。啼。寒。蛩。明。月。如。有。情。  
照。我。肝。與。腸。西。風。動。林。末。蕭。然。秋。意。涼。回。首  
歲。云。暮。信。美。非。吾。鄉。展。轉。復。展。轉。愁。多。知。夜  
長。喆。娈。娈。秋。風。動。客。懷。啾。啾。猿。鶴。苦。相。催。魯  
侯。不。遇。關。天。意。臧。氏。焉。能。阻。我。才。萬。里。馳。驅  
離。鄉。國。十。年。奔。走。在。塵。埃。吳。興。山。水。何。清。遠。

一棹扁舟歸去來。

思歸

夜深庭院寂無聲。明月

流空萬影橫。坐對荷花兩三朵。紅衣落盡秋

風生。月明如水侵衣濕。臺榭沈沈秋夜長。坐

久高僧禪語罷。澹然相對玉簪香。

初秋  
夜坐 邕邕

鳴雁復南征。十載棲遲在帝京。黃葉未零寒

未應。秋聲偏動故鄉情。

秋聲

萬籟同一寂。月明

天地清。淒淒白露下。滿襟秋意生。獨坐對明

月。遙遙千古情。西風兩三日。庭樹已秋聲。

即事

恨匆匆賦別。回首望。一長嗟。記執手臨流。遲  
遲去馬。浩浩平沙。此際黯然腸斷。奈一痕明  
月。兩天涯。南去孤舟漸遠。今宵宿向誰家。別  
來旬日。未曾過。如隔歲年華。縱極目層厓。故  
人何處。淚落蕪陵。聚散古今難必。且乘風高  
詠木蘭花。但願朱顏長好。不愁會少離多。木蘭  
花。延祐六年春正月。寄呈德璉姊丈一觀。冀  
改抹幸甚。書于大都咸宜里之寓舍。趙雍。



後幅前人題跋。

趙待制風流習尚。不減魏公。而詩文不傳。間見于卷軸間。不過單詞數言而止。未有若此卷之富者。楷行間作。轉益妍美。後云書寄德璉姊丈。蓋魏公長倩王國器也。國器長于今樂府。楊鐵崖亟稱之。故此卷所書樂府為多。豈亦因其所好耶。余從烏程王天雨借觀。遂題其後。是歲正德己卯五月既望。徵明題。鈴印二文。徵明印。悟言室印。

勝國書品。稱松雪父子為獨先。超軼宋唐。畦徑遠追鍾王。觀此卷精圓妍妙。誠不下乃翁。亦猶大令視右軍耳。觀者孰能軒輊耶。嘉靖癸巳夏六月望。胥臺山人袁表題。

趙魏公世稱十絕。其一絕乃待制詩詞書畫之妙。余嘗屢見待制之畫。皆不多行。今觀是

卷信乎一絕也。太峯君寶而藏之。誠不謬耳。  
嘉靖辛酉仲春望。青門沈仕題。鈐印二。沈休  
青門山人。  
趙仲穆書。克紹松雪家學。時能亂真。此卷尾  
非署名。及與姊丈德璉云云。殆以乃翁目之  
矣。所書凡三十五首。而艷辭特多。或偶興耳。  
間如少恨。凭闌干。水調歌頭二闋。并古詩二  
篇。思歸一律。頗以孤忠自許。紛華是薄。而興  
亡。骨肉之感。默寓其中。意其父子之仕當時。  
亦容有不得已者。良可悲已。吳興太峯茅君  
携示此卷。實出烏鎮王少白氏。太峯之於少  
白。亦猶仲穆之於德璉者。是宜與共何嘆也。  
辛酉春。吳郡許初題于茅君舟次。鈐印二。許  
元復氏。桑土齋。  
待制書所見甚少。幸太峯茅君携示此卷。展

讀殊快。不惟其樂府之清婉。詩語之峻拔。而  
筆法通媚。多畫沙風骨。世所傳善效。松雪書  
者。皆不及也。昔謝太傅問王大令。君書何如。  
君家尊。答曰。故當不同。大傅曰。外論不爾。答  
曰。人那得知。愚恐待制亦當有自負處耳。不  
識太峯。以為何如。嘉靖辛酉三月廿二。舊吳  
彭年題于雲外閣。鈴印二。彭年孔嘉隆池  
趙文敏書為勝國一代之雄。待制世禪其業。  
不無少劣焉。山卷歲鋒。飲鐸。真行流媚。通似  
文敏。翩翩然。遶虎兒之扛鼎。殆幾于大令。紹  
箕裘矣。太峯君博雅士也。其鑒賞豈出王天  
雨下哉。辛酉三月。太峯君携至吳門。獲觀。因  
題其後。天口外史黃姬水。書于元芝館。鈴印  
三。黃生志淳父。黃姬水。印。  
嘉靖乙丑臘月望後三日。觀于尚友齋。時寒  
雨岑寂。藉此以破孤悶。張鳳翼記。鈴印一。張

伯起氏。萬曆己亥。觀于秀州之舊草堂。六月維夏。穆如清風。雲間陳繼儒。鈐印一。陳繼儒印。右趙仲穆待制所書。與其德連姊丈詩詞。真草諸體卷。此吾鄉王天雨先生故物也。天雨先生博雅好古。一代高士。義薄雲天。家藏有趙松雪學士書畫峴山圖。與此卷並其所賞鑒。而最寶愛之者。至名其樓為寶峴樓。以畜之。天雨先生晚乃得子紹白公。余長姊丈也。天雨先生指館時。紹白公僅六歲。峴山圖一時浮沈。而此卷獨存。余伯兄光祿康伯公。自少志在希古雅好。辭翰從紹白處得之。牙籤滿床。此為壓卷。嘗移至姑蘇武林。一時名士沈清門張伯起許太僕周幼海黃姬水陳繼儒諸公。爭為跋記之。以不得附名為後。携李項墨林以重貨慕欲得之。康伯公終不割愛。

也。一日持以付子。汝為我守之。子再拜。受。席珍如拱璧。南浮海。西至雲中。必筭之。與俱。今守完。刺史王吳。梧為紀。白之。長郎。吾家陽城也。當向余伯兄。泣請之。曰。此吾祖故物。倘得完。趙感且不朽。康公憐其意。念欲許之。然業已屬之。不佞難于發口。余庶知之。私念曰。在晉裴叔則。則為新居甚麗。與其兄同游。觀兄心欲之。叔則輒指與兄居。以順遠兄意。余往。歸之。伯兄。倘伯兄不忍。吳梧之請。而或以授之。在伯兄。無致食言于吳梧。不佞不致私尤。物以拂兄意。吳梧又得慰其故祖舊物之思。未始不俱得也。至于趙書之。止乃翁追二王。前文徵仲以下諸名公。畧道之。余可無贅也。卷既去矣。姑紀其授受之始末。以附名其尾云耳。晉萬曆戊午孟夏。句曲山人茅一桂。

仲芳甫述于雲中公署。鈐印二。第一桂印。萬

趙文敏書法。含蓋有元一代。延數百年至文  
待詔。猶未能出其範圍。況其子光仲。穆為文  
敏肖子。詞翰書法。皆能世其家學。此卷詩詞  
凡三十五首。書法行楷具備。嫵媚之中。有道  
古之韻。乍一展卷。竟似文敏書。信是仲穆平  
生第一蹟也。雍正七年歲在己酉冬十月四  
日。良常王澍書後。鈐印二。雲舟。若林父印。

鑒藏寶璽

全。八璽

收傳印記寶峴樓。峴甫。吳興茅佐卿賞鑒之  
印。茅氏鑒藏。吳興。王齋賞鑒過物。仲醇所藏。

陸氏叔子易謙私印。易自牧。易汪廬私印。汪廷堅印。學山桐鄉。平陽汪氏文房。援誰居書畫印。援誰居。學山清玩。汪學山父秘笈之印。王澍恭則壽。

謹按袁襄字永之。吳縣人。嘉靖丙戌進士。官兵部主事。謫戍湖州。用薦補南京兵部員外郎。出為廣西提學僉事。有胥臺集。沈任字子登。自號青門山人。著林下清鐸。許初字元復。號南陽。長洲人。嘉靖中官南太僕寺主簿。黃姬水字淳之。長洲人。省曾之子。學書于祝先明。傳其筆法。茅一桂。歸安人。萬曆戊子舉人。

戴淳匡廬圖 一軸

本幅宋牋本。縱三尺六寸。橫一尺五寸五分。  
水墨畫樓雲閣景。款。延祐五年三月上澣。登  
匡廬樓雲閣。為天錫作。錢唐戴淳。鈐印一。厚  
夫。又題。傑閣凌空絕點埃。無邊烟景望中開。  
廬山面目難全寫。收得西巖一角來。鈐印二。  
淳道出自然。

御題行書。



一角凌巖峙迴樓匡廬神韻望中收雖然瀑布  
未曾寫想像銀河眼界流甲辰季夏月御題  
鈴寶二古希天子猶日孜孜

鑒藏寶璽

八璽  
舍

收傳印記郭昇烟雲供養九靈山房清河郡  
圖書記項元汴印子京所藏神游心賞項叔  
子子京父印墨林祕玩希世之寶文杏館

謹按藏淳字厚夫錢唐人九靈山房乃戴良  
記是卷為天錫作故有郭昇印

唐棣畫山水一卷

本幅絹本。縱九寸四分。橫七尺七寸二分。淺設色。畫蒼松紅樹。疊嶂長流。板橋漁舟。山水勝處。茅屋數椽。二人席地對酌。童子執爨於側。款。吳興唐棣子華鈴印。一唐棣。

鑒藏寶壘

全壘

收傳印記。陳氏審定。靜心堂書畫印。

謹按唐棣字子華。吳興人。由茂才為吳江令。

任仁發二馬圖 一卷

本幅絹本。縱九寸二分。橫四尺四寸五分。設色畫。誕馬二。自題。予吏事之餘。偶圖肥瘠二馬。肥者。骨骼權奇。繫一索而立峻坂。雖有厭飮。芻豆之榮。寧無羊腸踣蹶之患。瘠者。皮毛剝落。嚙枯草而立霜風。雖有終身擯斥之狀。而無晨馳夜秣之勞。甚矣哉。物情之不類也。如此。世之士大夫。廉濫不同。而肥瘠係焉。能

瘠一身而肥一國。不失其為廉。苟肥一已而瘠萬民。豈不貽汙濫之恥歟。按圖索驥。得不媿於心乎。因題卷末。以俟識者。月山道人鈴印。二任子明氏月山道人。

後幅柯九思題跋

自曹韓之後。數百年來。未有含其法而踰之者。唯宋李龍眠得其神。本朝趙文敏公得其骨。若秘監任公。則甚得其形。容氣韻矣。豈易得哉。丹邱柯九思識。鈴印二柯敬仲氏經真齋。

鑒藏寶璽

八  
室

收傳印記奎章閣鑒書博士太監王誥收藏  
書畫記審定真蹟

吳璫畫梅竹 一卷

本幅素綾本。縱九寸四分。橫四尺五寸。水墨  
畫梅兩枝。竹葉數筆。自題。牆角孤根。株身纖  
小。嬌羞無力。蟹眼微紅。粉容未露。不禁春色。  
待東君。汨沒芳姿。漸迤邐。檀心半拆。緩步迴  
廊。黃昏月淡。那時相得。至正戊子孟冬。竹莊  
梅已蓓蕾。因賦柳梢青詞。而明遠適來索余  
作。故寫梅就書之。款。竹莊人。鈐印一。瑩之有

高儀甫虞集題。

華根玉瘦兩三枝。百遠吟香夜不歸。安得客  
林千畝。月仰眠吹笛看花飛。澹齋高儀甫。  
梅花易寫。極難精。全在胃中一片清。香恐風  
前真奮發。影嬾月下未分明。自從仁老初為  
祖。更說楊家後有甥。贊與梅花俱白晝。定時  
之子可無名。此江山月贈寫梅許梅谷詩。余  
喜其景聯屬對既切而巧。每於詩人知畫梅  
之來歷者。舉似之。無不擊節。甲子季秋。因筆  
偶書。虞集。鈐印二。虞集。伯生。

後幅吳寬題。

寫盡南枝又北枝。山林冰雪共襟期。誰能好  
事為梅祖。更著花光與補之。吳寬為戒卿題。

鑒藏寶璽

全八璽

收傳印記式古堂書畫卞令之鑒定



黃公望天池石壁圖 一軸

本幅絹本。縱四尺五分。橫一尺九寸五分。淺設色。畫天池石壁諸景。款至正元年十月。大癡道人作。天池石壁圖。時年七十有三。鈐印二。黃子久氏。黃公望印。

右方標綾。韓逢禧跋。

一。摹此幀。與浮嵐圖氣韻相類。可謂異曲同工。庚辰仲春。書于研山堂。韓逢禧鈐印。二。韓逢禧書畫印。松子問。

左方標綾汪何玉跋

予曾於荆漢唐氏見于久曉山晴霽圖又當  
春卷展玩決旬為之神往茲于苦溪偶親是  
帙遂領囊購得之以平生企慕之衷乃得共  
朝夕晤對誠一大快事也駕湖千頃生汪何  
玉識鈐印二汪何玉氏駕湖汪氏家藏

鑒藏寶璽  
八璽

收傳印記周亮工印周亮借觀一過賴古堂  
鑒賞印江上外史江上簞氏圖書印

吳鎮晴江列岫圖 一卷

本幅絹本。縱一尺九寸。橫三丈三尺五寸。水墨畫江山勝景。款至正辛卯秋日。梅道人寫晴江列岫圖。鈐印二。梅花盒。嘉興吳鎮仲圭書畫記。自識。鎮僻處窮居。寡營斂跡。子立獨行。謝絕世事。非有意存乎其間。懶性使然也。暇則焚香誦書。游戲翰墨。時作短幅小方。稍不愜意。即投之水火。或知交見愛之。即以相

贈當於人心者十有八九矣。往歲嘉遜先生以長繡數幅索畫。豈以予畫為足重乎。予何敢辭。不謂淹滯二載。而先生亦不我咎。真足以知我也。今年秋乃竟其卷。為書若此。惟先生畧其妍媸而并忘其罪愆。則鎮幸甚。八月下浣。梅花菴吳鎮識。鈐印一。仲圭。

後隔水

御題行書

得勝解非積學成。蕭山跋語致精評。長江欲共  
秋空遠。列岫如烘暘日晴。鼎峙四家真不愧。筌  
忘六法有誰京。溯源應近金川地。通日軍機正  
繼情。癸巳中秋節御題鈴寶二。乾隆。

後幅前人并子敏中題跋。

長江亭亭桑落洲。青山獨傲蘋花秋。邊聲已  
逐鼓聲盡。水氣欲挾魚榔浮。謫仙騎鯨五柳  
老。真景變滅隨沙鷗。空餘秦箏與羌管。斷續  
不洗琵琶愁。梅花菴中解蒼珮。宴坐得意毫  
端收。空青點雲碧痕濕。方諸取月寒光流。江  
上老人在何許。似覺顙首相遲留。佳峯稜稜

鐵鈎鉤。千樹點點。同浮漚。要知翰墨。潔清氣。  
俗子正爾。勞雕搜。山空無人。息機事。青眼不  
與王公。鼎。揮毫汗漫。懷太古。擬跨獨鶴。遊峨  
頭。人在江湖。貴適意。底用絕俗。藏林邱。披圖  
覽卷。重太息。天際存。霸。疑歸舟。蒲城孫士英。  
編修。與子同舟南下。出其嘉。遜翁所藏。梅道人  
晴江列岫。卷相示。筆意高古。墨氣淋漓。真  
不在董巨之下。因作長歌題之。不能盡其八  
法之工也。文原識。鈴印一。已西。鄧氏善之。  
世之貌山水者。曰妙于生意。能不失真。如是  
而已。又問如何是生意。曰殆謂自然矣。問自  
然。曰能不失真。古。斯得之矣。夫天地生物。特  
一氣運化爾。其功用宜物莫之為之者。故能  
成於自然。今畫者信妙矣。方且暈形布色。求  
物比之。似而效之。皆人力之後先也。豈能令  
其自然哉。仲圭此局。神凝智解。得于心而發

於外。解衣盤薄。時正與山林泉石相遇。故能  
攬須彌盡於一芥。氣振而有餘。盡得山川之  
精。竊耳。彼含墨咀毫。受揖入趨者。可執工而  
隨其後耶。看雲老人吳全節。鈴印一。吳全節。  
昔人評梅道人畫。為天然第一。其得勝解者。  
非積學所致也。夫山水之奇崛神秀。奧妙難  
窮。畫不欲奪其造化。非飽遊飲覽。歷歷羅列  
於胃中。目不見絹素。手不知筆墨。磊磊落落。  
杳杳漠漠。莫非吾畫。此懷素夜開嘉陵江水  
聲。而草聖益佳。張旭見公孫大娘舞劍器。而  
筆勢益俊者也。今此卷不下堂筵。坐窮泉壑。  
山光水色。混漾奪目。觀者即擬之旭。素書譜  
夫誰曰不可。資善大夫南京吏部尚書蕭山  
魏驥。鈴印一。仲庵。  
元季畫家。不勝屈指。雖散漫四布。而惟江左  
為最。若仲圭其一也。仲圭居諸大家之右。獨

得董巨正傳。至於竹石寫生。又稱妙絕。所謂  
淡而不厭。簡而文。仲圭有之矣。然未能見。知  
於人。處室屢空。而松柏後彫之操。未嘗少謝。  
又為元季第一流人。誰謂繪畫之事。足以盡  
其生平梗槩乎。此卷昔為嘉遜翁所作。傳至  
今日。又屬吾友默菴所藏。觀其畫。想其人。盡  
固足重。而為人尤足重。後之覽者。若止以畫  
視之。其亦淺之乎。視仲圭矣。時嘉靖十一年  
壬辰秋七月望後二日。文徵明書于悟言室。  
鈴印三。停雲。文徵明印。衡山。  
右仲圭畫。晴江列岫圖。余從柘湖何氏以重價  
購得之者。生平間歷此公墨妙。凡二十卷。軸  
矣。無若此卷之蒼老鬱秀。展之如可餐。挹之  
忘畫境。昔年曾獲一峯道人長卷。及黃鶴山  
樵秋山圖。迂翁海嶽卷圖。皆盡神逸之致。寂  
後得此。遂成元季四大家之合。吾知四公跡



源傳茲世渥矣。欲求如是之完美者鮮甚。子孫其善藏之。當識吾之一段苦心也。己未七月下浣記。天發居士世貞鈴印。世貞。弇州山人。

吳鎮晴江列岫圖一卷。元人跋二。明人跋三。卷長三丈三尺有奇。氣勢蒼渾。筆墨淋漓。山石草樹舟屋人物。悉以書家中筆運之。精力完足。神韻有餘。想見解衣盤礴之樂。鄭文原跋。謂其不在董巨下。董源巨然之是否相合。雖不敢知。然辨其結構蹊運。尚存北宋矩度。以臣目中。所見吳鎮畫。似無出其右者。故當是鎮生平傑作。臣常疑鎮何以能與黃公望王蒙倪瓚相匹。今觀此卷。誠不愧四大家並稱矣。至文原跋所云嘉遜翁。蓋姓孫氏。其名不可考。但鎮人品甚高。索其畫者。雖片楮不易得。而嘉遜翁以如此長紙。屬之。曾不相拒。

意必高尚者流與鎮同志故不憚經營渲染  
其拓湖何氏名亦不著按拓湖在嘉興華  
亭之間何氏殆不過隨意收藏非真賞鑒者  
及歸王世貞是卷始得定評耳乾隆癸巳仲  
秋月中浣臣于敏中敬識鈐印二臣于敏中  
依光日月

鑒藏寶璽

八璽  
舍

收傳印記吳全節氏王元美鑒賞世貞弁州

山人東平槐庭清玩友古軒道南書屋清鑒

徐氏清賞印徐奇白榆社人樂聖且銜杯

欽賜忠孝長白山長索額圖字九如號愚菴書畫珍

歲永貽子孫阿爾喜普之印。樂菴鑒藏。半永

庸印章。印子子孫孫永用印章也。園珍賞讀。

畫文休承氏。肇錫予以嘉名。又三印不可辨。

謹按魏驥字仲房。蕭山人。永樂乙酉舉人。正統中南京吏部尚書。謚文靖。明史有傳。

吳鎮秋江漁隱圖 一軸

本幅絹本。縱五尺八寸。橫二尺七寸。水墨畫。  
巖瀑江邨。漁舟歸櫂。自題。江上秋光薄。楓林  
霜葉稀。斜陽隨樹轉。去雁避人飛。雲影連江  
浦。漁家竝翠微。沙鷗如有約。相伴釣船歸。梅  
花道人戲墨。鈴印二。樸華盒。嘉興吳鎮仲圭  
書畫印。

御題行書。

樂飢洋溢碧波。潯方寸應無一物侵。欲問持竿  
垂釣者。羨魚豈不是貪心。戊申春仲月御題  
鈴寶二。古稀天子之寶。猶日孜孜。

上方標綾笺重光題。

梅道人秋江漁隱圖。壬子秋月。觀于青巖之  
近園。重光鈴印三。爲池閣。笺重光印。江上外  
史。

鑒藏寶璽

八重

收傳印記。阿爾喜普之印。東平。蒼巖。蕉林居。

也園索氏收藏書畫。

御賜忠孝堂長白山索氏珍藏。

倪瓚畫譜 一冊

本幅宋牋本。十對幅。每幅縱七寸五分。橫四寸五分。水墨畫樹石竹譜九段。各系以識。第一。柳條梓葉。標名。自識。二樹勢若戈戟。大者為將。小者為佐。將佐得宜。行伍整肅。畫理自得矣。若專講士氣。非初學入門之道也。第二。大樹間竹。自識。大樹筆弱。欲其嫩也。小樹筆老。欲其古也。大為正面。小為側本。初學者不

可不知畫樹須間以竹。不必太工。但看晴樹則配以晴竹。此竹上挺者是也。第三新枝枯幹雨竹。自識此為蟹爪。大者為老樹新枝。小者為經霜枯幹。竹葉下垂。乃雨後之景。寫竹切不可求精。精則便有工氣。余嘗寫竹樹。而觀者問余為何樹。余為一笑。并圖於後。不可法也。第四樹正面反面折竹。自識所謂疎者不厭其為疎。密者不厭其為密。濃者不厭其



為濃淡者不厭其為淡。用墨隨意。始見天真。用筆勦勁。乃是得法。二樹俱一面。一正一反。布置時自當夾雜。亦要隨景斟酌。清雅自勝。春則墨葉濃而稠。夏則密而鬱。秋則疎。冬則落。第五。松老嫩正反。自識松。最易工。最難。士氣。必須率略而成。少分老嫩正反。雖極省筆。而天真自得。逸趣自多。庸人多不取。大雅。自不棄。最之。最之。第六。半壁佐遠山。自識。丈。

山尺樹。古人不易之論也。今人畫樹尺許。山不滿尺。甚非畫理。惟遠山亦通。若近山則當寫殘山半壁。庶幾相稱。此半壁下而以遠山相佐者也。第七兩石各皴法。自識凡寫石不可用鈎法。鈎則板。隨手寫去。似石則已。要古樸。須少皴。要秀麗。須多染。石脚可寫小石為佐。隨地坡廣窄為之。用墨濃淡正反寫焉。石紋內用點苔。不可多綴。二石上秀下樸。取其

長棄其短。毋自執一皴法。古人專用斧劈丁  
香馬齒等法。今人不能。乃云古法有俗工氣。  
故專師李唐披麻法。學而不能。是為兩失。余  
二石雜用古今。爾自體認。第八披麻皴。二石  
顆石。自識二石專用披麻。畧涉古法。雖不盡  
善。倣而為之。正合時尚。後幅顆石大小俱時  
尚。或點綴。或佐以野竹。隨意為之。第九兩山  
自識。耕當問奴。織當問婢。常談也。畫理豈余

所當言哉。余甥華子文有志學畫。問理於余。  
余命往問王叔明。叔明乃文敏外孫。得諸外  
祖者必富也。子文必欲余言。且逼圖譜。以至  
情不可辭。少圖數幅與之。先寫以樹。樹為畫  
中之首耳。次寫以石。石為畫中之體耳。竹為  
畫之餘。畫竟而興致未已。則寫竹葉一二枝。  
亦足以助畫景。景界既定。而樹木蕭疎。雖多  
寫竹不妨也。若點綴。直須看石皴陰暗處。稀

稀輕點。若夏山秋樹。密點不妨。但求有理。有趣可也。樹上藤蘿。不必寫藤。只用重點。即似有藤。一寫藤。便有俗工氣也。如樹梢垂蘿。不是垂蘿。余里中有梓樹。至秋冬葉落後。惟存餘莢。下垂。余喜之。故寫梓樹。每以筆下直數條。似蘿倒掛耳。若要茅屋。任意於空隙處寫一椽。不可多寫。多則不見清逸耳。亭屋非竹。則小樹為護。始見不孤。至正十年八月十五

日。滄洲史寫并論。

御筆行書各題識并雜寫

御製詩

有生意。鈴寶一。古希天子。

詩思由來異。所似雲依山。起月臨池。試猜無著。  
分明是便問。何因自不知。兩漢三唐。彼精粕。宵  
衣。盱食我君師。先憂分也。時後樂。拙速當之謝。  
巧遲。詩境活潑。每與畫家。趣詣同一三昧。辛

已秋孟至避暑山莊作詩思一律因書幀中御  
筆鈐寶二幾暇怡情得佳趣

右第一葉

心不靜時不可看此冊  
鈐寶二古希天子猶  
日孜孜

明窓詎曰尚高閒  
闢達重華志仰攀  
越若臨民  
慎恭已克知圖  
易在思艱  
甲申仲春坐養心  
殿明窓得句即書於冊  
鈐寶一含輝

修己治人非兩事  
作君當識作師并  
未能民物

復其性。肯以詩文炫自鳴。慚愧之中朝與夕。較  
量無外雨和晴。戲題七字胥實語。吾老矣而竟  
底成。戲題吾自己一律。御筆鈐寶一清玩。

歲月堂堂忽六旬。書窓昔日憶修身。宵衣旰食  
茲誰代。夕惕朝乾切已頻。大率懶為高興事。不  
期喜用長年人。金剛不住念深契。却住勤民一  
念真。庚寅閏夏。宴坐齋中。偶爾成詠。因展此  
冊。遂書之以紀歲月。御識鈐寶二。會心不遠。德



充符。

右第  
二葉。

看此冊則心靜。此一轉語亦不可少。鈴寶二。  
古希天子。猶日孜孜。

此正是竹。

鈴寶一。愛竹學心虛。

右第  
三葉。

萬樹菁蔥蔚綠雲。其中紅葉見一兩。九夏何來  
九秋景。塞山變幻非意想。人固有之物。豈無所  
以速成戒。闕黨。偶見紅葉。有會成什。甲午季  
夏。書於避暑山莊。御識。鈴寶二。古香太。玠。

非化工在手者。不能如此。四氣俱備。 鈴寶二

古希天子。猶日孜孜。

右第  
四葉

頗似吳中清竒古怪。 鈴寶二。古希天子。猶日

孜孜。

詩以詠松。圖寫松合。來仍看翠雲濃。斯人斯地  
自萬古。奚歎神農時未逢。 癸卯冬。駐夷齊廟

題屈蟠松詩。書此鈴寶二。古香太朴。

開惑曾經著論辭。聞強二萬詠西師。古稀天子

元孫抱視若多奇有底奇。乙巳夏。蘊奇齋口  
號。鈴寶二比德朗潤。

靈隱易雲林

奎章歲月深。名從工部借。詩憶考功吟。詎必頻廣韻。  
那無一寫心。偷閒成五字。佳境向前尋。西湖  
雲林寺。本名靈隱。庚子南巡。復過此題句。適携  
雲林冊。覺畫意山光。互相聯合。御識鈴寶一寫。

生。

右第  
五葉。

質明庭梧。臥時宴。風日晴和。

天錫機著論近慚四之得。勅懷益凜萬惟幾。八句開  
袞春秋永。五代同堂今古稀。敬識滿謙招受際。  
曰欣不及惕依依。庚戌八月十三日。乾清宮  
家宴得句。即書冊中誌慶。鈴寶二。八徵耄念自  
強不息。

不即不離是畫是詩。鈴寶二。中心止水靜永  
實用之。

古希希聖未從心。負宸違云久。莅臨惟是惕乾。  
勵朝夕。戒其元愒。度光陰。龍乘不息法。一健象。  
譯由來通六音。憂樂紛哉向何託。積成三萬首。  
餘吟。辛丑巡臺麓。閱冊中題識。予年又踰古。  
希。歲月易得。乾惕彌增矣。御識。鈴寶。二古香。太。

卦。右第  
六葉。

春風秋月景非同。朝靄夕嵐畫豈工。四扇蜃窓  
隨分納清供。眺詠興無窮。辛丑秋避暑山莊。

卷畫窓成什。即書于冊。鈴寶一。激觀。

右第  
七葉

秀色可餐。鈴寶一。齊物。

魚恬心不躍。鳥惜影忘飛。此二語為予最得意之句。全詩不錄。時年七十有九。鈴寶二。古希天子。猶日孜孜。

已據林之深。復棲山之曲。怪石披嶮巖。忽敞岩扉屋。禽訝客來生。棧忘逕行熟。于焉斯小憩。澹懷仍暢目。既靜益佳哉。耽靜屬有欲。宜付水雲。

僧恒此消清福 田盤石林磊砢是圖頗似之

坐精舍得句。即景書此。壬寅暮春之月。御筆。鈴

寶二。古希天子。猶日孜孜。

右第八葉

此中大有佳處。鈴寶一。乾隆宸翰。

右第九葉

庚午嘉平臘日。三希堂背臨一過。鈴寶一。乾隆

御筆。

右第十葉

有董其昌等題跋。

余閱迂翁此冊。至所云庸人終不取。雅士終不棄。霍然大悟。是意中語。其昌題。

辛丑五月朔日。大威觀于予友吉吳兄齋頭。因記之。鈴印二。蕉菴大威。

前副葉

御筆。平淡天真。鈴寶二。古稀天子之寶。八徵耄念之寶。

此冊隨予廿餘年。摹倣弗啻幾度。終不能得其妙而究其極。譬如春風秋月。山峙川流。日日在人目前。亦終未得見其妙而究其極者。此冊似之。而葉葉流連題識。不乃塗污清淨法寶乎。壬寅清和上澣。御識。鈴寶二。古希天子之寶。猶日



孜孜。

後副業雜書

御製詩。

一雨三日伊誰力。傍晚快晴送我行。遂涉林逋  
最高處。恰如曾點詠歸情。山明谷秀誠無比。寓  
意澄觀詎有縈。聊以七言當留別。臆雲收盡碧  
天清。甲辰暮春下泮武林迴蹕前一日孤山  
晴望之作。御筆。鈐寶二。古希天子。猶日孜孜。

問夜金山曙景鋪。陽侯靜穩渡江艫。老攀幼戀  
憐誠有。聖水靈巖耽本無。瞥眼風光逾一月。屋  
心民物永三吳。南巡六度禮斯歲。佑謝

神明敬感俱。甲辰春閏望前一日。過江至天寧寺  
行宮。即事書懷一律。御筆鈐寶二。古希天子。猶  
日孜孜。

古希天子古希詞。幻以為欣幻以悲。十七男惟  
刺斯五。好迷配早賦其離。釋迦曾是說無法。尼

父則嘗云未知歸政猶需此旬歲。即今敢憚日  
孜孜。古希詞甲辰夏仲御筆。鈐寶二。古希天  
子。猶日孜孜。

開感昔年曾著論。信

天。是以主人稱謂危反用成安。屢速失還資為得。仍  
事定不堪回首憶。途長惟益勵心兢。信

天

天眷古稀有。願我何修遇此能。甲辰夏仲信天主

人自歲作御筆鈴寶二古希天子猶日孜孜

題籤

御筆

倪瓚畫譜

品逸

鈴寶二幾暇鑑賞之璽。乾

隆御筆

鑑藏寶璽

七璽

古希天子壽五福五代堂古稀天

子寶。八徵耄念。八徵耄念之寶。妙意寫清快。

倪瓚畫山樹真蹟一軸

本幅宋牋本。縱三尺六寸二分。橫二尺六寸。  
水墨畫上山下樹。自題。橘窗春夜雨。翦燭坐  
良宵。戶上苔文濕。階前蕙草消。池塘幽夢遠。  
鄉園美人遙。古樹蒼藤合。題詩不自聊。老鐵  
自山陰來。喜晤作此。辛卯三月望。瓚。有姚公  
綬等題識。

御題行書

樹無曲直皆真性。山有淡濃總逸情。何必刻舟  
求六法。此生不以畫稱名。辛丑暮春月幾望  
御題。鈐寶二。古稀天子之寶。猶日孜孜。

疊嶂試為倣山意。叢枝未寫置林情。有餘不盡  
託閒想。認影求真惡浪名。偶得佳紙倣此幀。  
筆意作橫卷。以限於邊幅。寫山不寫樹。而墨章  
水暈。頗得雲林簡逸之致。即用題此幀句韻成  
什。並書於此。辛丑中秋後四日御識。鈐寶二。乾

隆。

樹影離離岸草青。江雲漠漠遠山橫。輕舟明月  
毘陵路。恍遇仙人醉玉巵。成化丙申荆溪  
道中題。雲東逸史。綰印三。賜進士。公綰。古  
柱下史。

雲林畫從洪谷子得手。故筆致矯健。不羈其  
所製。見重於世。得其尺幅。珍如璫璣。江南人  
以有無。論清俗。由其人品高古。非緒事。同日  
而語也。與陳惟寅。昆季最友善。會稽楊廬夫  
亦最契厚。此幅蓋為廬夫所作。更有和章。并  
惟允題句。誠合璧也。姜太常家藏舊物。出示  
賞玩。相對竟日。何幸如之。且喜紙素完好。無  
缺。尤見奇珍之流傳人間。俱慎重藏之耳。正  
德庚辰四月十六日。記於永嘉寓齋。張靈。  
鈴印一。張靈。

清詩蕭散疎仍密。淡墨淋漓瘦更腴。三絕真  
堪入三昧。令人相對憶倪迂。余與雲林子別  
久矣。偶見茲圖。因題如右。陳汝言識。鈴印一。  
汝言之印。  
篝燈共聽蕭蕭雨。已是催花二月過。點墨看  
柯渾湯興。所山忽覺鮮紋兔。鐵笛道人楊維  
禎。鈴印一。鐵兔。  
余家所藏倪高士畫不下十餘軸。俱屬精品。  
自以為收藏倪畫無如余家矣。昨黃規仁持  
是幅來。以白鐵百金。奔州四部稿易之。畫之  
暢快生動。尤是雲林出色之作。當為秘篋中  
觀。喜而記之。菰蘆中人汪何玉。鈴印一。汪何  
玉氏。

玉池



御筆。氣韻天成。鈐寶一。乾隆御筆。

題籤

御筆。倪瓚畫山樹真蹟。神品。鈐寶一。乾隆宸翰。

鑒藏寶璽。八璽。古希天子壽。八徵耄念之寶。

收傳印記。立綱。太常卿。錫山華氏祕玩。名山。

秀水人家。朱卧菴收藏印。

王蒙松風泉石圖 一軸

本幅宋牋本。縱二尺八寸七分。橫一尺。淺設色。畫山礧流泉。蒼松五株。三人坐其下。款松風泉石圖。至正癸巳四月二十日。黃鶴山樵王蒙書。鈐印一。黃鶴山樵。

御題行書

有瀑垂垂有石礧。喬松為蓋淨無塵。數來屈指劇談客。作者恰成益者人。丁亥長夏御題鈐。

寶二幾暇怡情得佳趣

鑒藏寶壘

八壘

收傳印記石田來鷗館

方從義雲山圖一卷

本幅宋牋本。縱八寸。橫四尺五寸。淺設色畫雲嵐遠靄。深林蕭寺。無名款。

引首方壺真蹟。煖太常少卿兼經筵侍書程南雲題。鈐印一。清軒。

後幅前人題跋。

雲山圖一幅。上清高士方方壺所作也。好事者藏之。以為珍玩。觀其筆法。精到。意態悠遠。與米南宮高房山同一軌度。非後來淺之為學者之比。然而晴嵐疊嶂。掩映于烟雲縹緲。

之際。山坡一帶。長若隄築。巖扉幽邃。闐然無人。蓋仙家之勝境。塵埃之絕觀也。予家有方壺。手跡一披。其布置遠近大小。雖不敢差肩于斯。而精神點染之妙。殆不可以優劣論。嗚呼。水墨之筆。如方壺者。不復多見矣。其流落人間。距今餘七十載。不能不使人重其景仰之思。因為五言律一。以紀其事云。不見瀛洲客。注傳點筆無聲意趣多。斷雲迷野墅。遠樹帶山坡。木客深潛紈。樵人已罷歌。披圖想高致。清興欲如何。正統十二年。歲在丁卯夏。後四月十有三日。工部右侍郎兼翰林院侍講學士。兼經筵官。淮南高穀識。鈴印三。維揚世用育齋。

上清高士方方壺。何年畫此雲山圖。元機豈為俗情繫。異境自與塵寰殊。閒風遙迤接蓬島。弱水東連大霞表。瑤草香生白日遲。蟠桃

實熱青春好。臺殿巍巍紫翠分。白雲蒼霧交  
氣。丹光仿佛洞中見。鶯語依稀樹裏聞。廣  
成安期在何處。對此令人益傾慕。乘風便欲  
問大還。下與濁世蘇沈鍾永嘉周顒。鈴印三  
既越。周中律氏與造物游。似瀟湘二十餘年  
山蒼蒼。水茫茫。披圖仿佛似瀟湘。二十餘年  
我曾到。耳聞漁父兩鳴榔。而今見畫恍若夢。  
偶然憶此鷗鷺鄉。何時脫却塵世慮。載酒重  
來鼓柁樂徜徉。雪坡道人鈴印三。雪坡夏國  
公孫冰壺秋月。山中一雨絕塵氣。萬壑千崖半是雲。石隱橫  
溪清易見。路穿深樹杳難分。參差樓觀棲仙  
侶。遠近芝田下鶴羣。何日移家來此住。春風  
龍上課耕耘。錢唐王謙鈴印三。王氏牧之吳  
山舊隱。高人有道號方壺。塵氣宵間半點無。筆染雲

烟藏造化。鞭驅龍虎。捲江湖。依稀大海三洲。  
境。仿佛長江萬里圖。楊氏珍藏。宜世守。品題  
展玩。屬吾徒。吳郡沈成章。鈴印三。元齋。大明  
進士。成章。

絕境非凡境。蓬萊咫尺間。深林茅屋靜。流水  
野橋閑。天迴鳥飛沒。山空雲自還。地偏人跡  
少。松徑雨苔斑。雲間錢博。鈴印二。泉石烟霞  
雲心松意。

方方壺此卷。前秀名之為仙山圖。真仙山也。  
余見方壺畫多矣。曾未見有精心之作。而此  
卷特精心。希見有著色之作。而此卷獨淺絳。  
精而超妙。恍忽不涉于迹。色入無色。色不足  
以言之。意致縹緲無盡。寓蒼鬱沈深于瀟灑  
出塵之趣。則尤難逮矣。非化人烏足以及此。  
固知彼居常所見。多潦草而涉俗者。良非方  
壺用意筆耳。是卷與予所藏蜀山圖。同一精

心。可稱雙璧。并足照耀千古。為人世所希觀。  
云。萬曆丁酉九月重九。唐景鳳東園父識。鈐  
印三。唐景鳳印。東園父。東西南北之人。

鑒藏寶壘

八壘

收傳印記竹西主人碧筠軒海壑祕珍淮陰  
楊氏宗浩珍藏士標

謹按方從義字無隅號方壘又號金門羽客  
貴溪人。上清宮道士。高輅字克用揚州興化  
人。永樂乙未進士。正統間大學士。明史有傳  
錢博字原博華亭人。正統乙丑進士官四川  
按察使。工古文詞。善畫。見松江志。唐景鳳字  
東園休寧人。官吏部司務。深于書學。精賞鑒。



即著東園元覽者。